



歷代名賢列女氏姓譜卷之九十四

湘鄉

蕭智漢雲澤氏纂輯

男秉信明甫氏校

下平聲

見姓苑望出吳興

歷代名賢

宋

尤表字延之無錫人少穎異以奇童稱從喻樛汪應辰遊入太學冠多士尋魁南宮擢第為泰興令先是邵伯鎮置頭徒厲民而金使率不受漕司輸藁秸一束至數金民以為病表力請于臺奏除之舊有外城頽毀急為修築寇至果得全民感其惠為立生祠注江陰學官需次七年讀書

氏姓譜

卷四

十一

尤氏

自守以靖退薦名除將作監簿歷宗正秘書二丞國史實錄院遷著作郎兼太子侍讀張說自問門人西府表率三館上書論之出知台州奏免五縣有丁無產者三稅修築郡城更加高厚未幾大水至賴以不沒民誦其政作東湖西詩上之上歎賞遂以文字受知除淮東提舉常平改江東歲旱單車行部核一路常平米通融以振蠲下五等戶租五斗以下悉除之民無流殍進直秘閣遷江西漕兼知隆興又直敷文閣改江東提刑梁克家薦名對除吏部郎官夏早上言皆中時弊乞詔有司檢舉行之高宗崩前一日除太常少卿時南渡後恤禮散失表討論典禮斟酌損益不展古義使宜于今與禮官定廟號曰高宗會有旨定配享之議表言祖宗典故在耐廟後今忽定于靈駕發引之前非禮詔寢之尋權禮部侍郎同修國史因議明堂升

配祖宗悉用以日易月之制故升侑無嫌今陛下行三年喪方在几筵不可配帝請俟喪畢詔可嘗論人才乞收召趙汝愚王藺孝宗復謂如卿才識近世罕有前此何無一人言之命權中書舍人兼直學士院光宗內禪制冊咸出其手人稱雅正開講奏願謹初戒始譏切貴近舉唐太宗不私秦府故人爲法又言權倖貴近悉歷華要姜特立惡其議已指爲周必大黨與祠紹興元年起知婺州改太平除煥章閣待制兼侍講入對願上謹天戒下畏物情內正一心外正五事虛已任賢酬酢庶物不在于勞精神耗思慮屑屑事爲之末也奏入仍令書行袁復奏韓侂胄四年間已得二十七年合轉之官今又趨授四階轉二十年應得之官是朝廷官爵專循私求非所以爲磨厲之具也命乃榕林大中以論事左遷率左史樓鑰疏留不報手詔除

氏姓譜

卷六

十一元

九氏

二

耶律迺嘿承宣使表一再繳奏又言祖宗爵祿陛下安可私加于公議不允之人上震怒裂其奏然命竟不行中宮謁家廟官吏推賞甚濫袁乞痛加裁節除禮部尙書兼侍讀時上已屬疾國事多舛袁積憂成疾請告不報初屢奏請上詣重華甚切及遺表猶以孝事兩宮爲言轉正奉大夫致仕卒年七十贈金紫光祿大夫謚文簡方乾道淳熙間程氏之學稍振思者目爲道學將攻之袁首言道學者堯舜所以帝禹湯文武所以王周公孔孟所以設教其臨財毋苟得則曰廉介安貧守分則曰恬退擇言顧行則曰踐履行已有恥則曰名節今皆目之曰道學用相詆訾賢人君子欲自見于世一舉足且入其中此豈盛世所宜有願狗名責實聽言觀行人材庶不壞于疑似袁死後數年大行禁錮識者服其先見云嘗取孫綽遂初賦以自號光

宗書扁賜之有遂初小稿內外制子棐孫焞仕至禮部尚書

尤焞字伯晦袁之孫父棐工部侍郎焞端平初徵爲將作監主簿後爲淮西帥以儒者守邊威惠兼濟進工部尚書入爲翰林學士卒年八十三自號木石

尤台字公輔安溪人入歲能屬文慶元丙子應童子舉中書試以公則說賦數刻而成詞藻絕出長不求仕達優游林石自號退翁而終

尤彬字叔文家貧苦學攻詞賦有聲一時名士知崇安縣林澧特延爲館賓葉堂王邁皆與之爲友陳立伯損伯傅澄皆師事之端平二年特奏名調真陽主簿卒于官

尤繼先榆林衛人萬歷中積功爲大同副總兵十六年火

氏姓譜

卷九四

十一元

尤氏

三

落赤真相犯洮河副總兵李聯芳等戰死詔進署都督僉事充總兵官代劉承嗣鎮守固原寇據莽刺控工二川日蠶食番族且擾西寧聞官軍大集卜失兔又敗于水泉乃乘堅冰渡黃河北走留其黨可卜列宗塔兒等五百餘人收莽刺川南山南山卽石門大山口走烏思藏門戶也屬番來告繼先乃令番以八百前導與故總兵承嗣遊擊原進學吳顯等疾馳七百里直抵南山奮擊大破之斬首百五十有奇生獲十二人而拜巴爾的者可卜列從子前殺李聯芳至是被禽師旋寇尾至撒川見有備乃夜走他寇犯鎮羌西寧石羊亦俱敗火落赤遂徙帳西海錄功進秩爲真增世磨一秩尋以病歸起僉中軍府事二十一年冬爲遼東總兵官炒花二千騎入韓家路繼先督諸軍奮擊寇乃去再引疾歸二十四年起鎮薊州自戚繼光鎮守十

年諸部雖叛服不常然邊警頗稀寇嘗一入青山口輒敗去最後長昂導班白二部長入犯道石門關山海關京東民盡逃入通州繼先出關寇已縱掠寧前去總督蹇達怒繼先不追擊而繼先方收名降丁八百人欲倚爲用達乃疏言番情難馭恐遺後憂請調繼先別鎮俾降丁隨往部議以延緩杜松與易任巡撫劉四科爭之達復疏言守邊在自強繼先獨言惟藉降丁去歲出關何竟不得降丁力羽書仰至邊隘虛實久爲所窺呼吸變生安所措手兵科宋一韓等力主達議且劾繼先他事繼先遂罷卒于家繼先眇一目習兵敢戰時稱獨目將軍

尤世威榆林衛人與兄世功弟世祿並勇敢知名天啟中世威積官建昌營參將調守墻子路七年遷山海中部副總兵寧遠告警從大帥滿桂赴援力戰城東有功增秩受氏姓譜 卷九四 十一九 尤氏 四

賜崇正二年擢總兵官鎮守居庸昌平其冬京師戒嚴命提兵五千防順義俄命還鎮防護諸陵四年代宋偉爲山海總兵官積資至左都督七年命偕寧遠總兵官吳襄馳援宣府坐擁兵不進疏職論成未行會流賊躡河南詔世威充爲事官與副將張外嘉統關門鐵騎五千往勦明年正月賊陷鳳陽世威以二千五百騎赴之抵亳州會總督洪承疇出關討賊次信陽命世威趨汝州甫二日承疇亦至時賊見河南兵盛悉奔入關中承疇將入關征討乃大會諸將令分防汝雜諸要害以世威部下皆勁旅令與參將徐來朝分駐永寧盧氏山中以扼雜南蘭草川朱陽關之險戒之曰靈陝賊所出入汝勿懈及承疇旣入關賊避之而南復由藍田走盧氏扼于世威仍入商雒山中來朝所部三千人不肯入山大譟賊至來朝逃一軍盡歿世威

軍暴露及夫疲與賊戰失利世威及遊擊劉肇基羅岱俱負重傷軍大潰賊遂越盧氏走永寧專聞命解任候勘十年宣大總督盧象昇言世威善撫士卒曉軍機徒以數千客旅久戍荒山疾作失利今當用兵時棄之可惜乃命起象昇軍自劾及象昇戰歿自免歸十五年以廷臣薦命與弟世祿起京候調名對中左門復告歸明年十月李自成陷西安傳檄榆林招降總兵官王定懼率所部精兵棄城走時巡撫張鳳翼未至城中士馬單弱人心洶洶布政使都任丞集副將惠顯參將劉廷傑等議城守其推世威爲主帥無何賊十萬衆陷延安綏德復遣使說降廷傑大呼曰長安雖破三邊如故賊皆中州子弟殺其父兄而驅之戰必非所願榆林天下勁兵一戰奪其氣然後約寧夏固原爲三師迭進賊可平也衆然其言乃歃血誓師簡卒乘

氏姓譜

卷之四

十一九

九氏

五

繕甲仗各出私財佐軍守具未備賊已抵城下廷傑募死士乞師套部師將至賊分兵却之攻城甚力官軍力戰殺賊無算賊益衆來攻起飛樓逼城中矢石交至世威等戰益厲守七晝夜賊乃穴城置大礮轟之城遂破世威等猶營衆巷戰婦人豎子亦發屋瓦擊賊賊尸相枕籍旣而力不支任死之侯世祿父子王學書俱不屈死賊怒廷傑勾套部磔乙至死罵不絕口世威王世欽王世國李昌齡並被執縛至西寧曰成坐秦王府欲降之四人不屈膝自成曰諸公皆名將助我乎天下取封侯可乎衆罵曰汝驛卒敢大言侮我自成笑前解其縛世欽睡曰驛卒毋近前汗將軍衣自成怒皆殺之

尤世功榆林人萬曆中舉武鄉試歷瀋陽遊擊張承蔭之敗也世功脫歸坐褫職經畧楊鐫言其身負重傷才堪策

勵乃補武精營遊擊鎬四路出師世功隸李如柏麾下得全尋以副總兵守瀋陽熊廷弼代鎬愛其才與副將朱萬良並倚任廷弼罷袁應泰代議三路出師用爲總兵官未行而瀋陽被兵死于戰贈少保左都督增世廕三級再廕捐擢僉事世襲賜祭葬建祠曰愍忠

尤時熙字季美洛陽人生而警敏不羣弱冠舉嘉靖元年鄉試時王守仁傳習錄始出土大夫多力排之時熙一見歎曰道不在是乎向吾彼志詞章未矣已而以疾稍從事養生家授元氏教諭父喪除改官章邱一以致良知爲教兩邑士亦知新建學入爲國子博士徐階爲祭酒命六館士咸取法焉居常以不獲師事守仁爲恨聞郎中劉魁得守仁之傳遂師事之魁以直言錮詒獄則書所疑時時從獄中質問尋以戶部主事權稅許墅課足而止不私一錢

氏姓譜

卷九四

十一元

九天

六

念母老乞終養歸遂不出日以修己淑人爲事足未嘗涉公府齋中設守仁位晨興必焚香肅拜來學者亦令展謁晚年病學者憑虛見而忽躬行甚且越繩墨自恣故其論議切于日用不爲空虛隱怪之談卒于萬曆入年年七十有八學者稱西川先生其門人孟化鯉最著

尤承綬號瞻曉沅陵人以恩選入太學中天順副榜授南雄推官治獄平允增秩郡守年七十致政祀南雄名宦居鄉十餘載惟務講學一日黎明櫺盪冠帶命子孫列香案向闕謝恩端坐而逝祀鄉賢

尤挺秀字實甫長洲諸生性孝友母病經年侍湯藥籲天請代太守陳洪謚重之舉鄉飲犬贖年八十二卒詔給七品冠帶

歷代列女

尤氏竹山人楊仁妻也年二十夫亡甚貧矢志撫男順高成立娶媳鄒氏生孫男瓊順高亦故遺媳鄒氏隨姑守節萬歷元年旌

尤氏元漂水人曹子英妻年少夫死尤氏嚙指滴血誓不更嫁有司聞旌表之

尤氏劉芳名妻也芳名巡撫劉秉仁孫也尤年十八適芳名生子兆祥五歲而芳名故尤不辭艱瘁撫兆祥為祥貴

縣諸生兆祥故又撫其孫年八十皓首完節

尤氏婦姓左氏尤宜拔妻郎西人夫卒絕粒不食諸母以幼子投懷中曰汝死置兒何地氏強起撫子成立年九十

餘猶以不從夫死為恨

尤氏崑山貢生鏞女嫁諸生趙一鳳早死將殮之顧二子方襁褓為疆食二子復殤勸曰可以從夫矣痛夫未葬卽

氏姓譜

卷九四

十一九

尤氏

七

營窀穸惡少年艷其色訾其目曰彼盼美而流烏能久也婦聞之夜取石灰授其目血出立枯寘棺自隨夫葬畢卽自縊或解之乃觸石裂額趨卽棺中死

邱氏

姜姓太公封于齊而都營卽其支庶居于營卽者遂以邱為氏其地在今齊州臨淄或云濰州昌樂有營卽故城左傳有邾大夫邱弱邱氏世居扶風又有邱林氏邱敦氏並改為邱氏虜姓也

歷代名賢

南

邱騰烏程人光武朝歷官公卿二百石退居鄉邑乃于先人故塋與其弟子築室而居

南

邱昂吳興人家貧好學織畚以自給與弟給事中夷太守
延並以孝行著聞當時謂之三邱

邱靈鞠吳興烏程人也祖系秘書監父道真護軍長史靈
鞠少好學善屬文州辟從事舉秀才為州主簿累遷員外

郎宋孝武殷實犯亡靈鞠獻挽歌三首云雲橫廣階闇霜
深高殿寒帝 句嗟賞後為烏程合不得志泰始初坐事

禁錮數年褚淵為吳興太守乃啟申之明帝使著大駕南
討紀論久之除太尉參軍時方禪讓太祖使靈鞠參掌詔

策建元元年轉中書郎敕知東宮手筆明年遷尚書左丞
世祖即位轉通直常侍尋領東觀祭酒靈鞠曰人居官願

數遷使我終身為祭酒不恨也永明二年領驍騎將軍靈
鞠不樂武位改正員常侍靈鞠好飲酒臧否人物在沈淵

座見王儉詩淵曰王令文章大進靈鞠曰何如我未進時
氏姓譜 卷九 丁九 邱氏

此言達儉靈鞠宋世文名甚盛入齊頗減蓬髮弛縱無形
儀不治產業遷長沙王車騎長史太中大夫卒著江左文

章錄序起太興訖元熙文集行于世
邱遲字希範八歲便屬文父靈鞠常謂氣骨似我黃門侍

郎謝趙宗徵士何黜並見而異之及長州辟從事舉秀才
除太學博士遷大司馬行參軍遭父憂去職服闋除西中

郎參軍累遷殿中郎以母憂去職服除復為殿中郎遷車
騎錄事參軍高祖平京邑霸府開引為驃騎主簿甚被禮

遇時勸進梁王及殊禮皆遲文也高祖踐阼遷中書郎待
詔文德殿時高祖著連珠詔羣臣繼作者數十人遲文最

美天監三年出為永嘉太守在郡不稱職為有司所糾高
祖愛其才寢其奏四年中軍將軍臨川王宏北伐以遲為

諮議參軍領記室時陳伯之在北與魏軍來距遲以書喻

之伯之遂降還拜中書郎遷司徒從事中郎七年卒于官時年四十五所著詩賦行于世

邱仲孚字公信少好學從祖靈鞠有人倫之鑿常稱爲千里駒也齊永明初選爲國子生舉高第未調還鄉里家貧無以自資太守徐嗣名補主簿歷揚州從事太學博士爲于湖令有能名太守呂文顯當時倖臣陵詆屬縣仲孚獨不爲屈以父憂去職明帝卽位起爲曲阿令值會稽太守王敬則反乘朝廷不備反問始至而前鋒已屈曲阿仲孚以距守有功遷山陰令居職甚有聲稱百姓謠曰二傅沈劉不如一邱前世傅琰父子沈憲劉元明相繼宰山陰並有政績言仲孚皆過之也高祖踐阼復爲山陰令仲孚長于撥煩善適權變吏民敬服號稱神明治爲天下第一後爲衛尉卿恩任甚厚初起雙闕以仲孚領大匠累遷豫章

氏姓譜

卷九四

十一九

邱氏

九

內史在郡更闢清節頃之卒時年八十四詔贈給事黃門侍郎喪將還豫章老幼號哭攀送車輪不得前仲孚爲左丞撰皇典二十卷南宮故事百卷又撰尙書具事雜儀行于世

邱巨源蘭陵人也宋初土斷屬丹陽後屬蘭陵巨源少舉丹陽郡孝廉爲宋孝武所知大明五年勅助徐爰撰國史帝崩江夏王義恭取掌書記明帝卽位使參詔誥引在左右自南臺御史爲王景文鎮軍參軍寧喪還家元徽初桂陽王休範在尋陽以巨源有筆翰遣船迎之餉以錢物巨源因太祖自啟勅板起巨源使留京都桂陽事起使于中書省撰符檄事平除奉朝請巨源望有封賞旣而不獲乃與尙書令袁粲書巨源竟不被申歷佐諸王府轉羽林監建元元年爲尙書主客郎領軍司馬越騎校尉除武昌太

守拜竟不樂江外行世祖問之巨源曰古人云寧飲芑業水不食武昌魚臣年已老寧死于建業乃以爲餘杭令沈攸之事太祖使巨源爲尙書符荊州巨源以此又望賞異自此意常不滿高宗爲吳興巨源作秋湖詩有譏刺語以事見殺

邱寂之烏程人年十七爲州西曹兼直主簿刺史王彧行夜還前驅已至而寂之不肯開門待墨旨然後開或嘆曰不意郵軍章近在閣下卽轉爲主簿遷郭令專以廉潔御下有能名

邱傑字偉時吳興烏程人也十四遭喪以熟菜有味不啗于口歲餘忽夢見母曰死止是分別耳何事乃爾荼苦汝噉生菜遇蝦蟇毒靈牀前有三丸藥可取服之傑驚起果得甌甌中有藥服之下科斗子數升邱氏世保此甌大明

氏姓譜

卷九四

十一

邱氏

十

七年災火焚失之

邱冠先字道元吳興烏程人也少有節義齊永明中位給事中時求使蠕蠕國尙書令王儉言冠先雖各位未升而義行甚重若爲行人則蘇武鄭衆之流也于是使蠕蠕蠕逼令拜冠先執節不從以刃臨之冠先曰能殺我者蠕蠕也不能以天子使拜我狄者我也遂見殺武帝以冠先不辱命賜其子雄錢一萬布三十疋雄不受詣闕上書曰臣父執節如蘇武守死如谷吉遂不書之良史旣之褒策萬代之後誰死社稷建元四年車僧朗銜使不異抗節是同諱贈正員外郎此天朝舊準臣父成例也今僧朗反莖豕瑩臣父湮棄絕域語忠烈則亦不謝車論荼苦則彼優而此劇各位不殊禮數宜等乞申哀贈書奏不省

邱爲嘉興人生平事繼母孝常有靈芝生堂下累官太子右庶子致仕還鄉縣令謁之爲候門磬折令坐乃拜里胥立庭下旣出乃敢坐經縣署降馬而趨年八十餘母尙無恙詔給俸祿之半居夏觀察使韓滉以致仕官給祿所以惠養老臣不可在喪爲異惟罷春秋羊酒卒年九十六

邱行恭有勇善騎射大業末與師利聚兵萬人保郿城人多依之羣盜不敢窺境後原州奴賊圍扶風太守竇懿堅守賊食盡無所掠衆稍散歸行恭行恭遣其首說賊共迎高祖乃自率五百人負糧持牛酒詣賊營奴帥長揖行恭手斬之謂衆曰若皆豪桀也何爲事奴乎使天下號曰奴賊衆皆伏曰願改事公行恭乃率其衆與師利迎謁秦王于渭北拜光祿大夫累從戰伐功多遷左一府驃騎錫勞甚厚隱太子誅以功擢左衛將軍貞觀中坐與兄爭堊所氏姓譜

卷九四

十一九

邱氏

十一

生母廢爲民從侯君集平高昌封天水郡公進右武侯將軍高宗立遷大將軍冀陝二州刺史致仕卒年八十贈荊州刺史諡曰襄陪塋昭陵行恭所守嚴烈僚吏畏之數坐事免太宗思其功不踰時輒復官初從討王世充戰却山太宗欲嘗賊虛實與數十騎衝出陣後多所殺傷而限長隄與諸騎相失惟行恭從賊騎追及流矢著太宗馬行恭回射之發無虛鏃賊不敢前遂下拔箭以已馬進太宗步執長刀大呼導之斬數人突陣而還貞觀中詔斲石爲人馬象拔箭狀立昭陵闕前以旌武功云子神勣

宋

邱允字執中長溪人元符中舉進士歷官知柳州蔡京新行茶法州縣遵奉豪右恃勢欺詐良民官吏不敢詰責允窮治其奸遠近敬服時朝廷方崇尙黃老允上疏力斥之

徽宗稱獎又論廣西益課之弊朝廷下其法于兩廣民以爲便官終朝議大夫

卹敬建寧人幼孤母爲寇所虜敬求之四方不能得乃刻木肖母像晨昏侍奉以致孝思一夕妻饋奠悞侵母像仆地敬哭泣擗踊幾絕因卜塋文溪之上服喪三年春秋祭享後人稱其所居里曰孝鄉

卹義字通濟建陽人隱居不仕穎敏嗜學該貫于史尤邃于易與朱熹友善常相往來問答有易說傳于世及諸詩賦序銘墨跡皆存熹爲書芹溪小隱扁其堂楣作詩序贈之

卹宥字宗卿江陰人隆興元年進士爲建康觀察推官虞允文奇其才奏除國子博士孝宗諭允文舉自代者首薦宥宥有旨賜對言恢復之志不可忘恢復之事未易舉宜晚

氏姓譜

卷九百

十一九

卹氏

十一

拔實才責以內治遵養十年方始可議時方遣范成大使

金祈請陵寢又言無益大計徒以騷敵上不樂曰卿家墳墓爲人所據亦須理索否宥退待罪上察其忠不謹也遷

太常博士知秀州華亭縣捍海堰廢且百年蘇湖皆被其

害宥奏朔策三月堰旣成三州斥鹵復爲良田除直秘閣知平江府論楮幣折閱朝議從其請公私出納並以錢會

各半爲定法天下便之移知吉州名除戶部侍郎密院檢詳文字接伴金國賀生辰使金歷九月晦與純天歷不合

宥徐告以歷法異同金使屈服上喜曰使人聽命成禮而還皆卿力也尋以忤樞密王抃奏予祠起知鄂州移江西

轉運判官進直徽猷龍圖二閣再知平江以憂去光宗卽位除太常少卿兼權工部侍郎出爲安撫制置使兼知成都

陞辭奏吳氏世將之患言吳挺脫有他故兵權不宜復

付其子臣請得便宜撫定諸軍以候朝命挺死密奏乞選
他將代之仍置副帥令興州守臣併利西帥可歸興元以
殺其權識者服密先見寧宗卽位中丞謝深甫論罷居數
年復職知慶元府入奏尊侂冑知密平日力主復仇殆與
相見因出示北伐議密曰中原淪陷在我固不可一日忘
然兵凶戰危勝負未測首事之禍誰其任之進敷文閣學
士改知建寧將行侂冑語以此事姑爲遲之密贊曰此誠
社稷生靈之福惟無搖于異議則善矣已侂冑聞金入置
平章宣撫河南奏除密簽樞宣撫江淮以應之密手書力
論其議遂寢移書又欲除密內職宣諭兩淮密復報以書
侂冑不悅然業已用兵升寶文閣直學士刑部尙書江淮
宣撫使旣而王師果潰侂冑遣人議招潰卒且求自解之
密謂宜明蘇師旦周筠等債師之姦正李汝翼郭倬等

氏姓譜

卷九四

十一元

邱氏

三

喪敗之罪會金襍衆自渦口犯淮南或勸密棄廬和州爲
守江計密曰棄淮則與敵共長江之險矣吾當與淮南俱
存亡乃益增兵爲防進端明殿學士兼侍讀尋拜簽書樞
密院事督視江淮軍馬有韓元靖由北來自稱琦五世孫
密詰所以來之故答言兩國交兵北朝皆謂出韓太師意
今相州宗族墳墓皆不可保故來依太師爾密使畢其說
如露講解意密遣人護送北歸俾扣其實得金行省幅紙
以聞於朝遂遣王文采持書幣以行文采還金帥答書辭
順密復以聞再遣陳璧充小使璧歸具言金人詰問旣欲
講和奚復出兵真州以襲我然仍露和意密自廟堂請自
朝廷移書續前議彼旣指侂冑首謀移書暫免係銜侂冑
大怒罷密提舉洞霄宮代以張巖侂冑誅起爲資政殿學
士再知建康改江淮制置大使先時淮南運司招韓邊民

二萬號雄淮軍月廩不繼公肆剽劫宿至隨所屯分錄守
臣節制又同轉運使張頴揀刺其西路爲御前武定軍侍
沃歸農月省餼數十萬計嘉定元年拜同知樞密院事以
病丐歸卒諡忠完審儀狀魁傑機神英悟嘗慷慨語曰生
無以報國死願爲猛將以滅敵其忠義性然也

邱濟賢人歷官殿中丞因讀易悟損益二卦能通數知未
來興廢嘗語家人曰吾壽終九九後果年八十一卒

邱何字漢規登乾道第宰連江有聲部使者交薦之不肯
善沈淹外職晚始入朝監進奏院遷太府簿時方詆道學
上而諫諍下而成序絕口不言性命等字雖六經論孟語
亦避之何獨疏論中庸及皇極偏黨之義語意懇切慶元
丁巳有事南郊太常闕辨儀宰相以何名聞遂攝卿行禮
自受哲戒以至受福細大無遺聲名驟起卽將超擢而何

氏姓譜

卷九四

十九

邱氏

古

惟持正不肯趨諂當路積二年出守袁州卒

邱稅字爲高南豐人補入太學時方宗王氏新經稅惟尚
理義故不偶建炎間上書請都金陵以圖恢復嗜古好文
憂時之心散見篇翰著有議古集萬文類詩解義

邱泰字儀仲高安人淳熙間父山疾篤泰刲股以進尋愈
轉運副使趙彥操聞于朝孝宗御筆付史館父死家徒四
壁竭力奉母後更名高

邱與字明遠仙遊人舉遺逸進書數十萬言皆恢復大計

呂頤浩與論大奇之奏除湖北帥司幹官嘗單騎造賊寨
諭降之後入劉錡幕諫殺降卒大爲錡所重入監登聞院
論事忤權貴出知黃州累贈中大夫

邱麟字起潛連城人嘉定十三年特奏名贛州贛縣尉有
廉聲歸旆給定寇發郡檄解城令畫計禦寇率民登東田

石全活者甚衆招撫使陳鞏奏其功辟知劔武軍
邱迪字彥啟幼孤侍舅孟潼游匡廬白鹿洞讀書受熊天
慵義理之學不求仕進退讓自持所著有玉淵雜著等書
邱必明保昌人少負氣節風薄中進士官韶州僉判德祐
中元兵逼城下必明不屈爲賊所殺刃血流地韶人哀其
忠節立祠祀之

元

邱葵字吉甫福建同安人宋亡避居海嶼中刻志爲學不
求人知著易解義書直解詩口義春秋通義各數十卷而
周禮補亡一書尤參訂詳確方知漢儒補考工記之謬泰
定中御史馬祖常薦之朝未及用而卒

邱應辰字詠性泉溪人博學羣書與葉本初應景裕爲友
元貞間舉青田教諭不就作正異復井田諸論有憂憂集

氏姓譜

卷九

十九

邱氏

五

藏于家今從祀鄉賢祠

邱颺登州棲霞人自號長春子兒時有相者謂其異日
當爲神仙宗伯年十九爲全真學于海寧之崑崙山師重
陽王真人重陽一見大器之宋金末各遣使來召不起歲
已卯太祖自乃蠻命近臣劉仲祿持詔求之處機一日忽
語其徒使治裝曰天使至我當行翌日果至乃與弟子十
八人同往明年宿留山北先馳表謝拳拳以止殺爲勸又
明年趣使再至乃發撫州經數十國涉地萬餘里自崑崙
歷四載始達西域之雪山常馬行深雪中馬上舉鞭試之
未及積雪之半旣至太祖大悅賜食設廬帳甚飭時方西
征日事攻戰處機每言欲一天下者必不嗜殺人及問爲
治之方對以敬天愛民爲本問長生久視之道告以清心
寡欲爲先太祖深契其言命左右書之且以訓諸皇子于

是錫以虎符副以璽書不斥其名惟曰神仙太祖感雷震以問處機對曰雷天威也人罪莫大于不孝不孝則不順乎天故天威震動以警之陛下宜畏天威明孝道以導有衆太祖善之一日太祖大獵于東山馬踏處機請曰天道好生陛下春秋高數畋獵非宜太祖爲之罷獵當喪亂之餘民罹俘獲者無所避處機還燕使其徒持牒拍求河南北間由是被掠爲奴者得復爲良與瀆死而幸更生者亡應二三萬人焚感犯尾其占在燕處機禱之果退舍歲旱禱之期以三日雨當各瑞應已而亦驗改賜所居名長春宮且遣使勞問曰朕嘗念神仙仙神仙毋忘朕也六月浴于東溪越二日天大雷雨大液池水入東湖聲聞數里魚鱉盡去池遂涸而北口高岸亦崩處機歎曰山其摧乎池其涸乎吾將與之俱乎卒年八十其徒尹志平奉璽書襲掌

氏姓譜

卷九

十一九

邱氏

夫

其教至大間賜金印四傳至祁志誠居雲州金閣山

邱富國字行可建安人受業朱氏之門宋亡不仕著周易輯解十卷學易說約五篇經世遺書三卷其徒鄭儀孫號翠屏咸淳初應賢良舉作易圖說解大學中庸章句

邱石字介翁因所居鄉自號紫巖晚徙城中更號兩溪鄉古氣剛喜談論早慕杜氏五高之爲人後從王定菴業詞賦接聞諸老緒論其學多所通解自負甚高宋改物後隱居不出放意于詩出入諸家豪宕傲發氣骨蒼勁望而知其爲山林曠士一時言詩者皆莫能及仁山金先生嘗爲序其集云

邱定夫字景游密四世孫元初錄宋故官嗣授田州路總管府經歷遷武龍州同知以疾不果行與兄揚州教授景唐弟沁陽縣丞景南三人同居一門之內怡怡如也二子

堅基皆爲儒官克世其家

邱一中字履常橫山人能文章有聲望仕至武學博士嘗
添倅江州爲闔帥汪紫源所知一中閒居薪米不絕戲作
自寬詩云仙都有勅到林泉誰信祠官無俸錢陶醉猶能
靡客去顏飢何至乞人憐鹿蕉已足今無夢衲祀曾傳昔
有仙餓死亦堪垂不朽無緣箇箇珥貂蟬吳師道稱其詩
清雋警拔

邱福鳳陽人起率伍事成祖藩邸積年勞授燕山中護衛
千戶燕師起與朱能張玉首奪九門大戰真定突入子城
戰白溝河以勁卒擣中堅夾河滄州靈壁諸大戰皆爲軍
鋒盛庸兵扼淮戰艦數千艘蔽淮岸福與朱能將數百人
西行二十里自上流潛濟猝薄南軍庸驚走盡奪其戰艦

氏姓譜

卷九四

二十九

邱氏

七

軍乃得渡累遷至中軍都督同知福爲人樸蕙鷲勇謀畫
智計不如玉敢戰深入與能將每戰勝諸將爭前劾虜獲
福獨後成祖嘆曰邱將軍功我自知之卽位大封功臣第
福爲首授奉天靖難推誠宣力武臣特進榮祿大夫封淇
國公祿二千五百石與世券命議諸功臣封賞每奉命議
政皆首福漢王高煦數將兵有功成祖愛之福武人與之
善數勸立爲太子帝猶豫久之竟立仁宗以福爲太子太
師七年七月將大軍出塞至臚胸河敗沒先是本雅失里
殺侯臣郭驥帝大怒發兵討之命福佩征虜大將軍印充
總兵官武城侯王聰爲左右副將安平侯李遠爲左右參
將以十萬騎行帝慮福輕敵諭以兵事須慎重已行又賜
勅謂軍中有言敵易取者慎勿信之福出塞帥千餘人先
至臚胸河南遇遊騎擊敗之遂渡河獲其尙書一人飲之

酒問本雅先里所在尙書言聞大兵來惶恐北走去此可
三十里福大喜曰當疾馳禽之諸將請俟諸軍集偵虛實
而後進福不從以尙書爲鄉導直薄敵營戰二日每戰敵
輒佯敗引去福銳意乘之李遠諫與王聰力言不可福皆
不聽厲聲曰違命者斬卽先馳麾士卒隨行控馬者皆泣
下諸將不得已與俱俄而敵大至圍之數重聰戰死福及
諸將皆被執遇害年六十七一軍皆沒敗聞帝震怒奪福
世爵徙其家海南

邱宏孳寬叔上杭人天順末進士授戶科給事中數陳時
政成化四年春偕同官上言洪武永樂間以畿輔山東土
曠人稀詔聽民開墾永不科稅邇者權豪怙勢率指爲閒
田朦朧奏乞如嘉善長公主求文安諸縣地西天佛子窰
實巴求靜海縣地多至數千百頃夫地踰百頃古者百家
氏姓詭

卷九四

十一元 邱氏

文

產也豈可徇一人之私情而奪百家恒產哉帝納其言詔
自今請乞皆不許著爲令劉實巴所乞地竟還之民六年
夏山東河南大旱宏請振因言四方告災部臣拘成例必
覆實始免上雖蠲租下鮮實惠請自今遇災撫按官勘實
卽與蠲除從之萬貴妃有寵奢侈無度都人倣效僭擬無
度宏偕同官疏論宗順等罪請追還帑金嚴禁侈俗事下
刑部尙書陸瑜因請置宗順等于理沒其貲以賑飢民帝
不許但命僭侈者罪無赦然竟不能禁也京師歲歉米貴
而四方游食萬數宏請驅逐以省冗食又請發太倉米減
價以糶帝悉從之復言在京百獸房及清河寺諸處所育
珍禽野獸日飼魚肉米菽乞並縱放以省冗費報聞明年
使琉球道卒宏與毛宏同居言路皆敢言人稱二宏云
邱澹字仲深瓊山人幼孤母李氏教之讀書過目成誦家

貧無書嘗走數百里借書必得乃已舉鄉試第一景泰五年成進士改庶吉士授編修濬旣官翰林見聞益廣尤熟國家典故以經濟自負成化元年兩廣用兵濬奏記大學士李賢指陳形勢繩纒數千言賢善其計聞之帝命錄示總兵官趙輔巡撫都御史韓雍雍等破賊雖不盡用其策而濬以此名重公卿間秩滿進侍講與修英宗實錄進侍講學士續通鑑綱目成擢學士遷國子祭酒時經生文尙險怪濬主南畿鄉試分考會試皆痛抑之及是課國學生尤諄切告誡尋進禮部右侍郎掌祭酒事濬以真德秀大學衍義于治國平天下條目未具乃博採羣書補之孝宗嗣位表上其書帝稱善賚金幣命所司刊行特進禮部尙書掌詹事府事修憲宗實錄充副總裁宏治四年書成加太子太保尋命兼文淵閣大學士參預機務濬以衍義補

氏姓譜

卷九四

上九

邱氏

左

所載皆可見之行事請摘其要者奏聞下內閣議行之帝報可明年濬上言正身清心節財勤政以弭天災因列時弊二十二事帝納之六年以目疾免朝參濬在位嘗以寬大啟上心忠厚變士習顧性褊隘嘗與劉健議事不合至投冠于地言官建白不當意輒面折之與王恕不相得至不交一言六年大計羣吏恕所奏罷二千人濬請未及三載者復任非貪暴有顯跡者勿斥留九十人恕爭之不得求去給事中毛珵御史宋惠周津等交章劾濬不可居相位帝不問踰年加少保八年卒年七十六贈太傅諡文莊濬廉介所居邸第極湫隘四十年不易性嗜學旣老右目失明猶披覽不輟議論好矯激聞者駭愕正德中以巡按御史言賜祠于鄉曰景賢

邱瑜宜城人天啟五年進士由庶吉士授檢討崇正中屢

遷少詹事襄陽陷瑜上卹難宗擇才吏旌死節停催征蘇
勣因禁勞役六事帝採納焉歷禮部左右侍郎因召對言
督師孫傳庭出關安危所係慎勿促之輕出俾鎮定關中
猶可號召諸將相機進勦尙不能從十七年正月以本官
兼東閣大學士同范景文入閣都城陷受拷掠者再搜獲
止二千金旣而被害瑜子之陶年少有幹畧李自成陷宜
城瑜父民忠罵賊而死之陶被獲用爲兵政府從事尋以
本府侍郎守襄陽襄陽尹牛佺賊相金星子其倚重不如
也之陶以蠟丸書貽傳庭曰督師與之戰吾詭言左鎮兵
大至搖其心彼必返顧督師擊其後吾從中起賊可滅也
傳庭大喜報書如其言爲賊遷者所得傳庭恃內應連營
前進之陶采舉火報左兵大至自成驗得其詐召而示以
傅庭書責其負已之陶大罵曰吾恨不斬汝萬段豈從汝

氏姓譜

卷九四

十一

邱氏

二

反邪賊怒支解之

邱鐸字文振祥符人元末父爲湖廣儒學提舉值兵亂鐸
奉父母播遷賣藥供甘旨母卒哀慟幾絕塋鳴鳳山結廬
墓側朝夕上食如生時當寒夜月黑悲風蕭瑟鐸輒繞墓
號口兒在斯兒在斯山深多虎聞鐸哭聲避去時稱真孝
子鐸初避寇慶元從祖父母居故鄉者八人貧不能自存
鐸悉迎養之有姑年十八夫亡守節鐸養之終身

邱緒字繼先鄞縣諸生也生母黃爲孀余所遂適江東包

氏未幾轉適他所遂不復相聞緒年十五父沒事余至孝
余疾謹奉湯藥不解衣帶者數月余重感其孝病革與訣
曰我卽死汝無忘若母時母被逐已二十年矣一夕夢人
告曰若母在言州金鰲寺前覺而識之次日與一人憇于
途詰之則包氏故養馬廐也卽以母所向曰有周平者曾

悉其事今已成京衛矣緒姊婿謁選在京遺書囑訪平久之未得一日有避雨于門者其聲類郭人叩之則周平也言黃已適台州李副使子緒得報卽之台而李已沒其嗣子漫不知前事緒徬徨掩泣于道有傷之者導謁老嫗妣王四曰已再適仙居吳義官吳仙居巨族也緒至歷數十家無所遇已而抵一儒生吳秉朗家語之故生感其意留止焉有叔母聞所留者異鄉人也恚而咻之生告以緒意叔母者黃故主母也頗憶前事然不詳所往呼舊蒼頭問之云金鰲寺前去歲經之棺已殯寺旁矣緒以其言與夢合信之行且泣牛觸之墜于溝則與夫馬長之門也駭而出問所從來緒以情告長曰吾前與一婦至縉雲蒼嶺下殆是也輿緒至其處緒徧物色無所遇俚行委巷中一媪立門外探之知爲郭人告以所從來媪亦轉詢邱氏姓譜

卷九

十一九 邱氏

三

氏始知其母也抱持而哭閭里皆感動寺旁棺者蓋其妣氏云所適陳翁貧而無子且多負緒還取金償之併迎翁以歸備極孝養嘉靖十四年知縣趙民順入覲疏聞于朝獲旌表

卽旣字茂實諸城人嘉靖二十九年進士由行人擢刑科給事中三十四年七月倭六七十人失道流劫自太平直逼南京兵部尙書張時徹等閉城不敢出閱二日引去給事御史劾時徹及守備諸臣罪時徹亦上其事詞多隱護擬劾其欺罔時徹及侍郎陳洙皆罷帝久不視朝嚴嵩專國柄擬言權臣不宜獨任朝綱不宜久弛嚴嵩深恨之已劾嵩黨寧夏巡撫謝淮應天府尹孟准貪贖謝淮坐免是年嵩敗擬劾由嵩進者順天巡撫徐紳等五人帝爲黜其三遷兵科都給事中劾南京兵部尙書李遂鎮守兩廣平

江伯陳王謨錦衣指揮魏大經咸以賄進大經下吏王謨
草任已又劾罷浙江總兵官盧鏗寇犯通州總督楊選被
逐及寇退檄偕其僚陳善後事宜指切邊弊帝以檄不早
劾選杖六十斥爲民餘謫邊方雜職檄歸敝衣一篋圖書
一束而已隆慶初起任禮科不至尋擢南京太常少卿進
大理少卿病免萬歷十一年秋起右通政未上擢左副都
御史以一柴車就道旣入朝陳吏治積弊八事疏奏帝稱
善敕所司下撫按奉行不如詔者罪未幾偕中官張誠往
籍張居正家還轉左侍郎增俸一秩尋拜南京吏部尙書
卒官贈太子太保諡簡肅檄直好搏擊其清節爲時所
稱云

邱錫字永錫崇安人領洪武己卯鄉薦蒞事工科自陳願
受學職除衡州教授永樂四年預修永樂大典改衡州教

氏姓譜

卷九四

十一九

邱氏

三

授宣德七年又預修太宗皇帝實錄書成仍乞學職改建
昌教授陞正九品秩自筮仕以來凡典文衡者五人稱錫
爲公性尤嗜學致仕猶手不釋卷卒年八十有六稿凡若
千卷

邱陵字志高蘭陵人宣德初鄉舉第一授平鄉知縣有惠
政奏留復任陞淮安知府招流逋表節孝興學勸農開墾
荒以治行卓異賜錦衣一襲設燕禮部陞山西左布政使
邱吉字大佑號執柔歸安人天性澹約朴素溫恭動遵矩
護善古文尤長于詩飄然有輕世遠俗之志世高其詞翰
雖尺牘至今猶珍重之所著有執柔集

邱兆麟字毛伯臨川人萬歷進士由行人擢御史崇正初
節家起爲河南巡撫及兆麟之任時建天中書院以崇德
勸學去中州大猾數十人諸政畢飭尤盡心獄事所閱審

錄冊二千一百八十有奇所列矜疑開釋者至二百二十
有奇至是兩河習其前政上下宜之加兵部侍郎卒于任
所著有樂餘園水暄亭玉書庭集六十餘卷又按豫仁言
四卷皆行于世

邱霽字時雍鄱陽人天順進士歷官蘇州知府幼穎悟能
詩文工懷素草法負才子名著有草堂集

邱鼎字宗周旭鑑子中進士累官左副都御史督漕運巡
撫鳳陽風望肅然左遷副使兵備漢中尋起僉都御史蒞
巡撫事時漢中大旱便宜賑濟民賴以寧性剛介知止謝
病章再上得允忻然曰吾嘗以不能勇退爲恨今日乃釋
重負矣

邱道隆字懋之上杭人正德進士知順德縣嚴明果斷吏
民畏服事先大體嘗大書畏天惹人四字揭之座右以自

氏姓譜

卷九

十一九

邱氏

三

卒厲

邱嘉猷臨川舉人萬歷十三年知城步縣疏鑿江口通水
利田廬無壅漲患近水居民且便于捕魚修理城垣地接
苗疆撫理較難嘉猷馭苗安民不骫于法

邱之登懷宗十五年例入歲薦賦性孝友庚寅秋王馬兵
變父被虜不避艱險隨營尋歸兄弟分居田取其饒已則
取其薄內外姻煙有貧乏者悉濟之間有負金售產者恕
而不校雖席先世華腴而澹泊寧靜不求聞達宅前有松
樹五株嘗携書一卷坐卧歌詠于其下時目之以爲羲皇
上人云

邱式耜邑庠生賦性誠樸篤于孝友年十七遊學江南載
書萬卷歸里經史子書無不淹貫生平以禮節自持言動
爲諸生矜式里中英俊多出其門所著有月浦圖文集行

世至今家族鄉黨咸遵遺教

邱魁字文元安樂里人弱冠領鄉薦任鳳化縣丁內艱補
咸寧令咸寧依山阻河未有城郭寇賊竊發魁指授方畧
擒賀堪廖章二酋長境內以寧丁外艱又補宜城縣忤當
道解印綬賦歸田二十咏自號景陶子子廷梓茂子鄉薦
邱廷朴字實甫浦城人暑月施茶因號施泉居家孝友有
葉華者失金廷朴拾而守之尋以原金還嘗佩其父鯁訓
曰以治人之言治己以順己之心順人終身弗敢失墜後
詔賜冠服

邱一鵬字萬程寧都人萬歷丙子鄉薦念父老不忍會試
父嚴督之乃揚言入京而私屏處父果病念子不得見一
鵬卽出見與訣知樂昌縣有盜例入知縣金數百盡草之
立碑永禁陞惠州防海同知每親至碣石衛按格閱舟卒

氏姓譜

卷九四

二十九

邱氏

三

皆有法戊戌寇發一鵬卽調度所數閱卒殲賊數千有閩
賈五十人誤爲邏卒所獲參將欲作生功報上一鵬以去
就爭之不得爲移檄閩中報至果海賈也而一鵬已病篤
賈人至官衙仰天祝涕泣願以身代死旣卒而殲賊功方
上陞湖廣按察司僉事

邱如泰字東邱寧都人僉事一鵬季子幼孤父以廉官聞
天下家無百金之產如泰篤事母兄母病醫言糞苦可治
如泰嘗糞不苦撫膺大慟母竟愈年至七十卒及居喪哀
毀踰禮仲兄尤貧減家食以給之曰飢飽同爾長詩古文
著有玉屑篇若干卷子六人維屏最賢

邱志克諸城人舉進士先爲河南副使督兵援渝州稱文
武才擢大參分巡湖南風紀肅然每集守令塲之曰承平
久矣有志者當思報國諸君優游飭文治竊爲不取也尋

陞布政司

邱萬瓊字國華平江歲貢任訓導中嘉靖戊午鄉試授河南桐柏知縣審雪誣盜有聲少與兄萬璣並著名才長詩古文詞感時憂國時見吟咏熙亭艾穆比之李獻吉何仲默萬璣亦以舉人任知縣專講學術

歷代列女

邱氏婦蓋之偏將邱子之妻也戎伐蓋殺其君合于蓋羣臣曰敢有自殺者妻子盡誅邱子自殺人救之不得死既歸其妻謂之曰吾聞將節勇而不果生故士民盡力而不畏死是以戰勝攻取故能存國安君夫戰而忘勇非孝也君亡不死非忠也今軍敗君死于獨何生忠孝忘于身何忍以歸邱子曰蓋小戎大吾力畢能盡君不幸而死吾固自殺也以救故不得死其妻曰曩日有救今又何也邱子

氏姓譜

卷九四

十九

邱氏

五

曰吾非愛身也戎合曰自殺者誅及妻子是以不死死又無益于君其妻曰吾聞之主憂臣辱主辱臣死今君死而子不死可謂義乎多殺士民不能存國而自活可謂仁乎憂妻子而忘仁義背故君而事暴強可謂忠乎人無忠臣之道仁義之行可謂賢乎周書曰先君而後臣先父母而後兄弟先兄弟而後交友先交友而後妻子妻子私愛也專君公義也今子以妻子之故失人臣之節無事君之禮棄忠臣之公道榮妻子之私愛偷生苟活妾等恥之况于子乎吾不能與子蒙恥而生焉遂自殺戎君賢之祀以太牢而以將禮葬之賜其弟金百鎰以爲聊而使別治蓋邱氏元趙孟頫之母也孟頫生十有一歲父卒邱氏賢能勗其于嘗語之曰天下既定聖朝必偃武修文收四方才士用之汝非多讀書何以自異齊民孟頫聞益爲講貫

邱氏女邱舜中女舜中爲朝奉郎諸女皆能詩兄弟內集必聯吟爲樂氏嘗作寄夫詩清新俊雅中外皆誦其美有曰簾裏孤燈覺曉遲獨眠留得宿妝眉珊瑚枕上驚殘夢認得蕭郎馬過時

邱氏張文寶妻文寶登第未廷試而卒氏年二十八歲哀夫號痛絕而復蘇姑羅氏年老以哭子喪明邱旦夕奉侍常以舌舐其目目爲復明及卒竭力殮葬教其子成名

邱氏貫溪人年十四歸卽節甫八年節以苦學得疾卒邱氏哀毀欲死慮嗣養無主乃截髮矢志年六十三卒祭酒曾鐸輓以詩有泉台無愧見良人之句

邱氏女矢志不字在湘鄉縣西山頂修行得道而去邱氏邵武陳文清妻也永樂初隨文清從戎福州文清病卒邱年十七生子永宗甫四月遂函殮歸壘矢志不再適

氏姓譜 卷九四 十九 邱氏 六
人有異議則泫然涕下以故不敢強後永宗以國子生拜西藤令事聞詒旌其門

邱氏孝感劉應景妻崇正末爲賊所執逼從不可賊曰及汝邱曰得死爲幸賊注油滿甕潰其衣語同類曰此婦偏強將蒸之邱晒曰若謂死溺死焚死刃有聞乎官兵旦夕至若求如我得哉賊怒束于木焚之火熾罵不絕口

公于偃字于游偃生公孫蠆蠆生游販販生良及吉游販奪人妻其夫殺販于是廢游良而立吉吉生速吉之從祖曰游楚楚亦穆公孫與公孫黑爭妻公孫僑放楚

于吳其後以王父字爲氏

歷代名賢

周

游騰秦合栲里疾以車百乘入周周君迎之以卒甚敬楚
王怒讓周以其重秦客騰謂楚王曰昔智伯欲伐去由遣
之大鐘載以廣車因隨入以兵去由卒亡無備故也桓公
伐蔡也號言伐楚其實襲蔡今秦虎狼之國也兼有吞周
之意使栲里疾以車百乘入周周君懼焉以蔡去由惑之
故使長兵在前強弩在後名曰衛疾而實囚之周君豈能
無愛國哉恐一日之亡國而憂大王楚王乃悅韓魏易地
西周弗利樊餘謂楚王曰周必亡矣韓魏之易地韓得二
縣魏亡二縣所以爲之者盡包于周多于二縣九鼎存焉
且魏有南陽鄭地三川而包二周則楚方城之外危韓兼
兩上黨以臨趙卽趙羊腸以上危故易成之日楚趙皆輕
楚王恐因趙兵以止易及秦敗楚漢中楚王入秦秦王留
之游騰爲楚謂秦王曰王挾楚王而與天下攻楚則傷行

氏姓譜

卷九

十九

游氏

七

矣不與天下攻之則失利矣王不如與之盟而歸之楚王
必不敢背盍背盟王與三國攻之義也

游吉卽子太叔鄭人繼子產爲政不忍猛而寬鄭國多盜
取人于萑苻之澤太叔悔之曰吾早從夫子不及此魯昭
公二十五年諸侯以王室之故會于黃父趙簡子問揖讓
周旋之禮太叔對曰是儀也非禮也吉聞先大夫子產曰
夫禮天之經也地之義也民之行也天地之經而民是則
之故人之能自曲直以赴禮者謂之成人簡子悅召陵之
會太叔還未至而卒簡子哭之曰黃父之會夫子語吾九
言曰無始亂無怙富無恃寵無違同無敖禮無驕能無復
怒無謀非德無犯非義

百

游于遠幼有恣貌聰亮好學年十五至洛陽張華見而奇

之曰此兒雅潔洪方佳公子也



游明根字志遠廣平任人也祖鱗慕容熙樂浪太守父幼
馮跋假廣平太守和龍平明根乃得歸鄉里游雅稱薦之
世祖擢爲中書學生性寡欲綜習經典高祖踐阼遷都曹
王書高祖以其敬慎每嗟美之假員外散騎常侍安樂侯
使宋宋孝武稱其長者迎送禮加常使顯祖初累拜東兗
州刺史改爵新泰侯爲政清平高祖初爲儀曹長清約恭
謹號爲稱職歷儀曹尙書加散騎常侍遷大鴻臚卿又參
定律令屢進讜言明根以年踰七十表求致仕詔不許頗
表固請乃詔許之引入陳謝悲不自勝帝言別殷勤仍爲
流涕賜青紗單衣委貌冠被褥錦袍等物其年以司徒尉
元爲三老明根爲五更行禮辟雍賜步挽一乘給上卿祿

氏姓譜

卷九四

十九

游氏

三

供食之味太官就第月送以定律令賞賜甚多車駕幸鄴
明根朝于行宮詔曰游五更光素蓬簷歸終衡里可謂朝
之舊德國之老成賞賜如前爲造甲第國有大事恒璽書
訪之舊疹發動手詔問疾太醫送藥太和二十三年卒于
家年八十一世宗遣使弔祭贈光祿大夫加金章紫綬諡
靖侯明根歷官內外五十餘年處身以仁和接物以禮讓
時論貴之高祖初明根與高閭以儒老學業特被禮遇公
私出入每相追隨而閭以才筆時尙明根世號高游焉于
學襲爵

游肇字伯始高祖賜名焉博通經史高祖初爲內秘書侍
御中散稍遷典命中大夫車駕南伐肇表諫不納尋遷太
子中庶子肇謙素敦重文雅見任以父老求解官扶侍高
祖欲合遂祿養乃出爲本州南安王禎鎮北府長史帶魏

鄆太守王薨復爲高陽王雍鎮北府長史太守如故爲政
清簡加以匡贊歷佐二王甚有聲迹以父憂解任乃授黃
門侍郎兼侍中爲畿內大使黜陟善惡賞罰分明轉太府
卿黃門如故肇儒者動存名教直繩所舉莫非傷風敗俗
持法仁平斷獄務于矜恕尙書令高肇世宗之舅以肇名
同欲合改易肇以高祖所賜不許高肇甚銜之世宗嘉其
剛梗及大將軍高肇伐蜀肇諫不納肅宗卽位遷中書令
相州刺史有惠政再遷尙書右僕射肇于吏事斷決不速
主者諮呈反覆至于再三必窮其理然後下筆雖寵勢于
請終無回撓方正之操時人服之及元乂廢靈太后將害
太傅清河王擇乃集公卿會議其事于時羣官莫不失色
順旨肇獨抗言以爲不可終不下署正光元年八月卒年
六十九諡文貞公肇外寬柔內剛直就好經傳手不釋書

氏姓譜

卷九

十一

游氏

元

治周易毛詩九精三禮爲易集解撰冠婚儀白珪論詩賦
表啟凡七十五篇皆傳于世謙廉不競曾撰儒基以表其
志清貧寡欲資仰俸祿而已及肅宗初封文安縣開國侯
邑八百戶肇獨曰子襲父位今古之常因此獲封何以自
處固辭不應論者高之

游祥字宗良肇子頗有才學襲爵新泰伯遷國子博士領
尙書郎中肅宗以肇昔辭文安之封復欲封祥祥守其父
意卒亦不受又追論肇前議清河等正不屈乃封祥高邑
縣開國侯邑七百戶孝昌元年卒年三十六贈征虜將軍
諡曰文子皓字賓多

隋

游元字楚客廣平任城人魏五更明恨之元孫也父寶藏
位至太守元少聰敏年十六齊司徒徐顯秀引爲參軍事

周武帝平齊之後歷壽春令蘇州司馬俱有能名開皇中
爲殿內侍御史昔王廣爲揚州總管以元爲法曹參軍父
憂去職後爲內直監煬帝嗣位遷尚書度支郎遼東之役
領左驍衛長史爲蓋牟道監軍拜朝請大夫兼持書侍御
史宇文述等九軍敗績帝令元按其獄述時貴倖其子士
及又尚南陽公主勢傾朝廷遣家僮造元有所請屬元不
之見他日數述曰公地屬親賢腹心是寄當咎身責已以
勸事君乃遣人相造欲何所道按之愈急仍以狀劾之帝
嘉其公正賜朝服一襲九年奉使于黎陽督運揚元感祚
遂乃謂元曰我今親率義兵以誅無道卿意何如元正色
答曰尊公荷國寵靈功參佐命高官重祿近古莫儔公之
弟兄青紫交映當謂竭誠盡節上答鴻恩豈意墳土未乾
親圖反噬深爲明公不取願思禍福之端僕有死而已不
氏姓譜 卷九四 十一九 游氏 三

唐

游茂宏字簡之崇仁人開元中南豐令恩威並行截溪水
爲五陂溉田四千餘頃又鑿石渠以溉枯田迄今民祠之

宋

游似字景仁果州南充人父仲鴻字子正登進士調隄爲
簿李昌圖總蜀賦辟仲鴻羅買官薦擢四州制置司幹辦
公事趙汝愚一見起敬將合兵討叙州董蠻犯雜爲境仲
鴻直諭之總命遂不煩兵而歸改知中江檄總領楊輔幕
下置使京鎗轉運劉光祖交薦紹熙四年赴召汝愚素知
其直諫多聞訪以蜀中利病又欲親出經畧西事仲鴻言

宥密之地幹旋者易汝愚悟而止差幹辦諸司糧科院孝
宗崩日泣勸汝愚率百官哭殿廷請帝親臨若禪日不決
禍亂必起及拜相以久游其門避嫌不用復勸汝愚降意
容接韓侂胄時不能用以兩淮總賦積弊奏遣仵鴻核實
既去汝愚難作有欲波及之者張孝伯止之召還還軍器
監簿丐外除知洋州改知嘉定府尋擢利路轉運判官數
忤宜撫吳曦言其老病未幾曦叛以書勸成都帥楊輔起
兵討之不能用總賦劉崇之繼至又往告之復不聽曦誅
參政李壁奏除利路提點刑獄乞休遷中奉大夫卒年七
十八謚曰忠似登進士歷官大理司直以直秘閣爲夔路
運判移潼川提刑提舉常平從其請封謚田錫遷軍器監
宗王少卿樞密都丞旨兼侍講明堂上疏欲盡事天之禮
當盡敬天之心俄兼國史實錄院同修撰權禮部尚書言

氏姓譜

卷九四

十九

游氏

三

軍賞旨濫請別給告付奏功者候從軍十年升至統領已
上方許從所屬保明申奏則旨濫者章功勞者勸遷吏部
尚書兼給事中國史實錄院同修撰入侍經幄帝問貞觀
治效何速如是對曰人主一念足以旋乾坤憂勤既切
佐理得人治效曷常不逮乃撫太宗事以進嘉熙三年正
月拜端明殿學士同簽書樞密院事封南兗縣伯淳祐四
年進爵郡公五年拜右丞相兼樞密使與范鍾不協上章
乞歸特授觀文殿大學士醴泉觀使進爵國公奉洞霄宮
祠十一年轉兩官致仕十二月薨特贈少師

游元宰淳夫直秘閣經之曾孫從象山學深于易理舉進
士攝安化以禮義訓導邑士議減泉司鐵課以利民邑隣
溪洞凡訟關風化必懇惻開諭再調顛縣會長子鑾主南
嶽祠因就養焉所著有安化講義詩文號新堂集

游師雄字景叔武功人學于張載第進士爲儀州司戶參軍遷德順軍判官鄜延將劉瑄欲自延安入安化黑水師雄以地薄賊境可慮請由他道旣而謀告黑水之傍果有伏瑄還謝曰微君言吾不返矣趙高帥延安辟爲屬時戒兵在別堡龍安以北諸城兵力咸弱高患之師雄請發義勇以守多聚石城上待其至夏人知有備不敢入但襲荒堆三泉而還諸壘飢計口賦糧振貸人無殍亡元祐初爲宗正寺簿時將棄四砦師雄語執政不聽因著分疆錄以覘意遷軍器監丞吐蕃寇邊其酋鬼章清宜結乘間脅屬羌構夏人爲亂謀分據熙河師雄奉詔臨邊聽便宜從事旣至謀知夏人聚兵天都山前鋒屯通遠境吐蕃將攻河州師雄欲先發以制之大帥劉舜卿慮彼衆我寡師雄曰兵在謀不在衆脫事不濟甘受首戮議乃定分兵爲二姚

氏姓譜

卷九四

十九

游氏

三

兕將而左种誼將而右兕破六逋宗城斬首千五百級斷黃河飛梁阻青唐十萬衆不得度誼破洮州擒鬼章及大酋領九人斬首千七百級捷聞百寮表賀遣告永裕陵將行厚賞言者悉邀功生事乃止加集賢校理自後于闐大食佛林邈黎諸國皆懼悉遣使入貢除陝西運判提點秦原路刑獄夏人侵涇原復入熙河師雄建言宜于定西通渭之間建安遮納迷結珠三柵及獲耕七堡以固藩籬拍討范育從之入拜祠部員外郎遷陝西轉運使拜衛尉少卿苦宗數訪邊防利病師雄上慶歷來邊臣藏否朝議得失及今禦敵之要凡六十事名曰紹聖安邊策出知邠州改河中府進直龍圖閣知秦州徙陝州師雄慷慨豪邁有志事功朝廷用不盡其材卒年六十

游酢字定夫建陽人與兄醇俱以文行知名師事河南二

程子第進士調蕭山尉累官監察御史歷知漢陽軍和舒濠三州伊川嘗言醇德器粹然問學日進政事絕人遠甚游烈字晋光邵武人幼以孝節稱從胡瑗學官至職方員外郎郡人知經學自烈始

游復字執中建陽人居鄉以經學教授生徒游其門者多率德自好嘗舉于有司不第篤實純明後進矜式龜山楊時誌墓深悼其德學不大顯于時

游欽字敬仲崇安人應祥長子定夫八世孫也幼受學于家庭禪有父風以省劄爲邵武縣主簿積拜建陽縣尹撫字能科各盡其道民咸懷德遠今不忘

游應祥字子善崇安人定夫七世孫祖伯祥因過武夷澄川愛其秀麗遂卜居之應祥天資淳厚博通經史無愧先世由武夷直學士陞學正卒

氏姓譜

卷九

十一

游氏

三

游誠之南軒高弟也嘗論太極無極聞者服其簡工詩如東風未肯摧桃李留得疎籬淺淡香平生意思春風裏信手題詩不用工閒處謾憂當世事靜中方識古人心句詩家所稱

游完時州人大定初歲荒完日賑贍三百餘口冬給窮民衣襖五百套春秋以家財募人平治道路二百五十里北至太湖嶺南至所口及其老也以仁愛心勉勵子孫

元

游宏道爲化州路通判至正九年海寇犯合浦攻珠崖宣慰使檄宏道進兵會剿宏道以張友明爲義士命率師追寇于澄邁之石礮港時寇糧盡死戰友明爲先鋒方酣戰時俄而海南番兵赴水走寇乘勝四合諸兵皆潰宏道與

友明力戰死邦人哀之繪像祀之于文廟側

明

游欽祖字君卿曹州人洪武元年以賢良舉知崇仁縣嚴敏峭直吏不敢欺時版籍未明稅田佃輸有一戶應數十戶里甲者乃造黃青兩冊歸併之幾半載食不離廳事田糧既明民無重困

游日章字學綱莆田人進士知臨川有巨猾帥姓者武斷于鄉下車卽捕之流賊至禦之有方開城納逃難百姓并力扞守賊遁去擢刑部主事晉郎中

游子源婺源人洪武壬戌年舉明經授蘇州府吳江縣學教諭壬申秩滿遷紀善訓清江王世子時太祖高皇帝寵愛諸王師傅皆遴選者儒爲之特命禮部侍郎一吏部侍郎一內史二輿馬儀飾以送王府僚屬從王世子出迎始

氏姓譜

卷九四

十一九

游氏

三

行君臣禮終行師生禮榮遇殊厚旣而以老疾辭

游芳字蘭仲婺源人幼年有至性受學汪仲魯仲魯扁其讀書之室曰初月梅軒避難讀書三年不出戶通五經精博物理嘗兩預鄉薦不利隱居教授以師道自任所編有皇明等音三十卷

游明字大昇豐城人景泰進士授刑部主事時草場火責在典守中官誣附場衛卒縱火下法司擬罪明直其寃衛卒得不死迨州軍儲倉歲以中官受賄虛出通關賣糧不下千石倉吏欲發其事中官賂以金吏持金訴于官戶部以中官故劾吏知情明謂大吏乾沒而小吏發之今轉坐告者罪是縱姦也竟白其枉天順末遷福建提學僉事修葺楊龜山羅豫章李延平諸先生祠及書院訪其子孫向學者補諸生八郡翕然宗仰滿九載都御史滕昭奏留加

按察副使仍督學政卒諸生繪像祀于常衮祠

游允達字兼之豐城人天啟鄉舉授獲鹿令歲大飢稱貸賑濟存活無算各邑輸納恒苦火耗允達令里甲自封投櫃吏胥不得經手邑當山右要衝往來供億浩繁錙銖不擾民間捐貲創建礮臺度賊所必經處棊布之孤城屹若金山湯屢登薦剡覩國事可憂力以病請臺使爲具題允達以病痊起用蓋郡邑之異數也離任士民立去思碑

游輝字公憲高安人成化貢生任龍泉知縣地多刁訟輝恩威兼濟民皆感德去任日哭聲載道居鄉孝友慈愛閭里宗黨無間言有不平事咸請質人比之王彥方云

游廷柏福清舉人萬歷三十一年以戶部郎中出守畿輔才明守法不阿府治後有東湖近高揮使宅遂爲所據廷柏檢郡志勒令還官高以厚貲致有力者札三四上竟不

氏姓譜

卷九四

十一九

游氏

三五

顧湖左有輝山綠井悉爲清復譙樓圯捐俸新之尋告歸游王庭南平人端直諒懇砥行睦鄰由貢訓建陽歷于潛令操持勁潔晚歸囊殮不繼賓筵六次年八十七巡按朱克簡旌匾曰枋榆偉望

游於詩字二南事親至孝委曲承歡至老不懈與焦弱侯顏質卿結爲里社開示後學做朱子立義倉凶歲賴以全活年七十五

歷代列女

游夫人雷機母也善書有文夢黑熊行天遂有娠生機

游氏江都人陳玉苧之妻玉苧死氏斷髮誓矢撫孤成立

揚州陷夜舉火誼諱或勸乘夜出城游謂女不夜奔况吾孀婦乎偕幼女投井死

游氏應山人劉達妻夫卒遺孤養和方在襁褓矢志苦守

有諷之改節者卽破面毀容以示無他拮据教子歷六十餘歲有司表其門

游氏明經顏從仕母也端恪勤儉督諸子學無間朝夕諸婦晨起必整容容問侍稍懈卽徵色不貸諸子過帷外游氏詢及必正襟稱名以對諸孫如銓部渾孝廉浩輩少就外傳夕歸必令誦盡所讀書苟遺忘卽罰長跪同室數百口平居不聞人聲蓋秉性慈和治家嚴肅類如此云壽八十餘終

游節婦姚氏開縣臨江下里人適游治治卒年二十撫子文選及長補弟子員應崇正三年貢天啟二年通庠舉節報院批云教子克追孟母守節無愧共姜有司歲給粟帛享壽八十乃卒

游氏南昌人余睿昭妻年二十九睿昭卒矢死不二撫猶氏姓譜

卷九

十一九

游氏

三

子銘爲嗣紡績以養舅姑孀居三十年非祀先不接宗族同邑蔡京妻鄒氏徐秉淵妻吳氏俱早寡守節宏治間旌門

游氏女名奴貞上高游仲高之女許聘盧節雍未醮而節雍客死奴貞紡績自守父母欲其改適不從鄉里重之時以粟帛贈焉呼之爲姑年七十餘卒

游氏名月貞樂安人樂以仁妻年二十三夫亡撫妾所生二子不啻己出延師課督子先鳴學業克成出仕有聲歷五十年尚書董裕記其慈節又游惟智妻李氏名玉貞撫孤守節裕亦爲之記

游氏樂安人曾章志妻年二十夫亡守節壽至八十孫師世舉人元孫端來成進士大學士吳道南作傳修撰劉理順誌其墓

游氏張明焯妻城潰匪復壁中賊執明焯游出曰幸釋吾夫願以身從賊見游貌遂釋明焯行既遠以頭觸地賊怒殺之

游氏名淑端蘇公亮繼室年二十餘方娠而夫亡將終囑之曰如生男爾當守志生女則適人可也淑端號泣欲絕誓不貳志及生女鞠育惟謹志行貞潔至老不渝

亦作婁風俗通云邾婁之國子孫或以婁爲氏或以邾婁爲氏陸終產六子其第五子曰安賜姓爲曹邾卽安之後挾安之裔曰邾挾周初受封爲附庸挾之後不得其名字十二世至儀父始通于大國魯隱公之元年與隱公盟于姑蔑其後爲楚所滅齊大夫婁禮其後也又有疋婁氏改爲婁虜姓也按唐書宰相世系考云出自

氏姓譜

卷九四

十一

婁氏

七

似姓夏少康裔孫東婁公封于杞爲楚所滅子孫食邑于婁因以爲氏城陽諸縣有婁鄉是也

歷代名賢

婁

婁敬齊人也漢五年成隴西過雒陽高帝在焉敬脫輓輅見齊人虞將軍曰臣願見上言便宜虞將軍欲與鮮衣敬曰臣不敢易衣虞將軍入言上上名見賜食已而問敬敬說曰陛下都雒陽豈欲與周室比隆哉上曰然敬曰陛下取天下與周異周之先自后稷堯封之邵積德累善十餘世及文王爲西伯斷虞芮訟始受命呂望伯夷自海濱來歸之武王伐紂不期而會孟津上八百諸侯遂滅殷成王卽位周公之屬傅相焉迺營成周都雒以爲此天下中諸侯四方納貢職道里鈞矣今陛下起豐沛收卒三千人以

之徑往卷蜀漢定三秦與項籍戰滎陽大戰七十小戰四十使天下之民肝腦塗地父子暴骸中野不可勝數哭泣之聲不絕傷夷者未起而欲比隆成康之時臣竊以爲不侔矣且今陛下入關而都按秦之故此亦益天下之亢而附其背也高帝問羣臣羣臣皆言周王數百年秦二世則亡不如都周上疑未能決及留侯明言入關便即日駕西都關中于是上曰本言都秦地者婁敬婁者劉也賜姓劉氏拜爲郎中號曰奉春君漢七年韓王信反高帝自往擊至晉陽聞信與匈奴欲擊漢上大怒使人使匈奴使者十輩來皆言匈奴易擊上使敬復往使匈奴還報曰匈奴不可擊也是時漢兵以踰句注三十餘萬衆兵已業行上怒罵敬曰妄言沮吾軍械繫敬廣武遂往至平城匈奴果出奇兵圍高帝白登七日然後得解高帝至廣武赦敬曰吾

氏姓譜

卷六

十一九 婁氏

三

不用公言以困平城吾已斬先使十輩言可擊者矣乃封敬二千戶爲關內侯號建信侯高帝罷平城歸韓王信亡入胡當是時冒頓單于兵彊控弦四十萬騎數苦北邊上患之問敬敬曰未可以武服也未可以仁義說也獨可以計从遠子孫爲臣耳然陛下恐不能爲上曰誠可何爲不能顧謂奈何敬曰陛下誠能以適長公主妻單于厚奉遺之彼知漢女送厚蠻夷必慕以爲闕氏生子必爲太子代單于豈曾聞外孫敢與大父亢禮哉可毋戰以漸臣也若陛下不能遣長公主而今宗室及後宮詐稱公主彼亦知不肯貴近無益也高帝曰善欲遣長公主呂后泣不從上竟不能遣長公主而取家人子爲公主妻單于使敬往結和親納敬從匈奴來因言臣願陛下徙齊諸田楚昭屈景燕趙韓魏後及豪桀名家且實關中無事可以備胡諸侯

有變亦足率以東伐此強本弱末之術也上曰善乃使敬
徙所言闔中十餘萬口

婁壽字元考南陽人幼而岐嶷有志行好學不厭郡縣禮
請終不回顧麗絡大布之衣糲糶蔬菜之食蓬戶茅宇椽
樞甕牖樂天知命確乎其不可拔也年七十六不祿國人
刻石作銘相與論德私諡曰元儒先生

婁圭字子伯少有猛志嘗嘆曰男兒居世會當得數萬兵
千匹騎著後耳儕輩笑之後坐賊亡命被繫當死得偷獄
出捕者追之急子伯乃變衣服如助捕者吏不按覺遂以
得免會天下義兵起子伯亦合衆與劉表相依後歸曹操
遂爲所用軍國大計常與焉

氏姓譜

卷九四

十一九 婁氏

元

婁昭字菩薩代郡平城人也武明皇后之母弟也祖父提
雄傑有識度家僮千數牛馬以谷量性好周給士多歸附
之魏太武時以功封眞定侯父丙干有武力未仕而卒昭
貴魏朝贈司徒齊受禪追封太原王昭方雅正直有大度
深謀腰帶八尺弓馬冠世神武少親重之昭亦早識人雄
曲盡禮敬數隨神武獵每致請不宜乘危歷險神武將出
信都昭贊成大策卽以爲中軍大都督從破爾朱兆于廣
阿封安喜縣伯改濟北公又徙濮陽郡公授領軍將軍魏
孝武將貳于神武昭以疾辭還晉陽後從神武入洛充州
刺史樊于鵠反以昭爲東道大都督討之子鵠旣死諸將
勸昭盡捕誅其黨昭曰州人何罪遂皆捨焉後轉大司馬
仍領軍遷司徒出爲定州刺史昭好酒晚得偏風雖愈猶
不能處劇務在州事委寮屬昭舉其大綱而已薨于州贈

假黃鉞太師太尉諡曰武齊受禪詔祭告其墓封太原王
呈建初配享神武廟廷長子仲達嗣改封濮陽王次子定
遠少歷顯職外戚中偏爲武成愛狎別封臨淮郡王
婁幼瑜字季東陽太末人也聚徒教授不應徵辟彌爲臨
川王昉所賞異著禮摺拾三十卷

婁伏連代人也代爲酋帥伏連忠厚有器量年十三襲父
位領部落道武初從破賀蘭部又平中山及征姚平于柴
壁以功賜爵安邑侯明元時爲晉兵將軍并州刺史太武
卽位封廣陵公再遷光祿勳進爵爲王後鎮統萬薨諡恭
王子真襲降爵爲公真弟大拔封鉅鹿于大拔孫寶

婁寶字道成性淳朴好讀書明帝時任至朔州刺史時邊
事屢興人多流散及寶至稍安集之殘壞舊宅皆命葺構
人歸繼路歲考爲天下最後隨大都督源子邕討擊葛榮

氏姓譜

卷九四

十九

婁氏

四

王師敗績寶囚于榮單變姓名匿于戎伍以免害久之賊
中有朔州人識寶者謂寶曰使君寧自苦至此遂將詣榮
笑曰婁公吾方圖事何相見之晚因顧謂人曰此公行善
天道報之得免亂兵卽其驗也寶遇逃者密啟賊形勢規
爲內應天子感其壯志名寶第二子景賢授員外散騎常
侍郎葛榮滅寶始得還永安中除假員外散騎常侍使蠕
蠕先是蠕蠕稱藩上表後以中州不競書爲敵國之儀寶
責之蠕蠕主大驚自知惡謝曰此作書人誤遂更稱藩孝
武帝立敕寶與行臺長孫子彥鎮恒農後從入關封廣寧
縣伯大統元年進儀同三司兼太子太傅攝東宮詹事寶
爲人清簡少言頗諳舊事位歷師傳守清謙恭以此爲人
所敬後行涇州事卒于州

唐

樓師德字宗仁鄭州原武人身長八尺方口博唇學行俱美第進士調江都尉長史盧承業見其寬厚長者尊爲台輔器不引僚屬禮待托以子孫上元初爲監察御史劉審禮敗命收亡卒于洮河吐蕃首領論贊婆等自赤嶺操牛酒迎勞喻以國之威信開陳利害蕃相畏悅後又從軍致討高宗假朝散大夫以行有功遷殿中侍御史知營田事與敵戰白水澗入遇九克天授初擢左金吾將軍兼豐州都督恭勤接下孜孜不息率士屯田積穀數百萬兵以饒給無轉饟和糴之費后降璽書勞之長壽九年召爲夏官侍郎判尚書事后嘗語以師在邊必待營田公不可以劬勞憚乃復授河湟積石懷遠等軍河蘭鄯廓等州檢校營田大使入遷秋官尚書爵原武縣男改左肅政御史大夫知政事樸忠自負心無適莫證聖中與王孝傑拒吐蕃于

氏姓譜

卷九四

十一九 馮氏

四

洮州敗績貶原州司馬萬歲通天二年起爲鳳閣侍郎同平章事聖歷三年突厥入寇詔爲并州長史充天兵軍大總管卒于會州年七十贈幽州都督諡曰貞喪塋往還皆給儀仗自總邊要爲將相三十年方重有度喜怒不形于色人有忤已輒遜以自免李昭德志爲田舍子笑曰吾不爲田舍子當復何人其弟守代州辭之官教以耐事弟曰自今人有唾某面潔之乃已答曰未也潔之是違其怒正使自乾耳在夏官注選或就案閱簿拒之不止乃洒筆曰墨污爾衣嘗薦狄仁傑引與同列輔政後仁傑數擠令外使后覺之一日問以師德賢乎仁傑曰爲將謹守賢則不知又問知人乎對曰臣嘗同僚未聞其知人也后曰朕用卿由師德所薦誠知人矣因出其奏仁傑大慙歎曰婁公盛德我爲所容以今觀之不逮遠矣后方臨御酷吏殘鷲

入多不免獨能深懷畏避以功名始終與郝處後相亞世稱婁郝

婁寅亮字陽明温州永嘉人登政和進士爲上虞丞建炎四年車駕幸越上疏太祖舍其子而立弟此天下之大公仁宗詔英祖入繼大統此天下之大慮頃者椒寢未繁前星不耀孤立無助有識寒心天其或者深啟陛下追念祖宗公心長慮之所及乎欲乞陛下于伯宇行下遴選太祖諸孫有實德者視秩親王俾牧九州以待皇嗣之生退處藩服并選宜祖太宗之裔材武可稱者升爲南班以備環衛庶幾上慰在天之靈下係人心之望帝讀之天加感悟以爲宗社大計莫重于此樞密富直柔又薦之紹興元年名起行在然其言尙未行也入見復上疏上深然其言擢氏姓譜

卷九四

十一九

婁氏

四

廢

監察御史秦檜引之諷言者論爲族父冒占官戶由是坐

婁機字彥發嘉興人登乾道進士授益官尉父壽戒以人官未易調合山簿郡委治銅城圩兩旬告畢七攝鄰邑率以績聞調于潛丞輕賦稅正版籍簡獄訟興學校兩艱免喪幹辦江東提舉司公事易淮東改知西安巨室買地爲塋發之遇石告索元價機劾曰設若得金將誰歸已之通判饒州平民冤獄蜀帥袁說友辟不就改幹辦諸司審計司轉對請裁損經費及刑名疑慮之弊累官著作郎請繕編中興館閣書目又請寬恤淮浙被旱州縣俾除資善堂小學教授日陳直言正道又手書累朝事親修身治國愛民諸事以獻太子命寘座右朝夕觀省隨事開明多所裨益歷遷駕部郎官成都火應詔上言擢監察御史論京官

必兩任有舉主年三十以上方許作縣郡守不可輕濫貶
害千里韓侂胄議開邊機極口沮之侂胄不悅遷右正言
兼侍講乞詔侍從臺諫學士待制廣求人材三牙管軍各
舉將帥名問魏拔優養以備緩急進太常少卿權中書舍
人詔遣宣諭荆襄機曰使往慰安人情則可若開邊衅死
不敢奉詔泗州提閩機又言進銳退速禍愈深耳鄧友龍
謂不逐此人則異議無所回遂罷去侂胄誅名爲度部侍
郎奏曩者權臣私意橫生敗國殄民今惟行以至公始可
以服天下若因私恩未報首爲汲引私仇未復且爲沮抑
一涉于斯人心解體矣尋兼太子左庶子進詹事遷給事
中諭海巡入廂親從都軍頭等年勞轉資恩旨太濫未應
年格乞收寢俟年已及予之帝稱善歲蝗言和議甫成先
務安靜葺鎔漏以成紀綱節財用以固邦本練士卒以壯

氏姓譜

卷九四

十九

婁氏

四三

國威拜禮部尙書嘉定元年同知樞密院事甫三月進參
知政事當干戈甫定信使往來瘡痍方深徹蠹紛然彌縫
裨贊其力居多尤惜名器守法度進退人物直言可否不
市私恩不避嫌疑必先有功振拔孤寒有舉員及格當改
邑而必欲朝闕者執奏罷之皇太子立攝中書令讀冊祀
明堂爲禮儀使三年告老太子遣官勉留除資政殿學士
知福州力辭提舉洞霄宮卒贈金紫光祿大夫加特進生
平深于書學凡尺牘人多藏弄太子得所書廣于祿字一
編尤喜命戴溪跋之撫弟模棟卒爲善士所著歷代帝王
總要班馬字類

婁南良字德剛臨川人咸淳進士授吉州法曹調宜黃簿
時稱練達政治與弟文輔起莘子志淳皆以德行聞吳文
正公稱臨川家世儒雅忠厚惟婁氏饒氏焉

婁道者鍾水軍人生有異相掌中一日中指七節長爲承
天寺僧有大智慧能逆知吉凶宋眞宗嘗召問禁中事仁
宗初生晝夜啼不止道者摩其頂曰莫叫莫叫何似當初
莫笑啼遂止後歸鄉有新知軍雅不喜道者遂告械徒曰
緣盡當滅乾興元年正月有脇側卧而化知軍疑其詐死
命焚之凡三日衣械不動忽雷雨驟至薪火皆滅口中出
白煙目焚立盡獨留目睛與舌根不壞舍利無數邦人葬
之淮岸賜號證因大師

婁起莘臨川人凡南良末咸熙戊辰進士程雪樓薦爲石
鼓書院山長起莘力學有隱德揭曼碩作詩述其救盲女
事子志淳雪樓亦薦在南岳書院山長吳文正稱臨川家
世首推婁氏云

氏姓譜

卷九四

十一九 婁氏

四

婁堅字子柔嘉定人幼好學其師友皆出歸有光門堅學
有師承經明行修鄉里推爲大師貢于國學不仕而歸工
書法詩亦清新四明謝三賓知縣事合堅里人唐時并程
嘉燧及李流芳詩刻之曰嘉定四先生集

婁諒字克貞上饒人少有志絕學聞吳寧弼在臨川往從
之一日與弼治地名諒往視云學者須親細務諒素豪逸
由此折節雖掃除之事必身親之景泰四年舉于鄉天順
末選爲成都訓導尋告歸閉門著書成日錄四十卷三禮
訂訛四十卷謂周禮皆天子之禮爲國禮儀禮皆公卿大
夫士庶人之禮爲家禮以禮記爲二經之傳分附各篇如
冠禮附冠義之類不可附各篇者各附一經之後不可附
一經者總附二經之後其爲諸儒附會者以程子論黜之

著春秋本意十二篇不採三傳事實言是非必待三傳而後明是春秋爲棄書矣其學以收放心爲居敬之門以何思何慮勿忘勿助爲居敬要旨然其時朝居仁頗譏其近陸子後羅欽順亦謂其似禪學云子忱字誠善傳父學女爲寧王宸濠賢妃

姜樞字靜懷慶衛人少師事何塘嘉靖乙酉領鄉薦入成均會朝臣議大禮各樹幟不相下又議姚江之學且爲洛蜀黨樞著克伐恐欲論四章爲時所稱授廣宗令時巡撫劉某籍民爲兵樞謂擾民上鄉兵議劉面從實心御之適巡按樊某問安民去貪之畧樞應以所令勿反所好作去甚論刺之二恨交作坐是覲職歸設舉比于東明曹縣者二十餘年著經學史學子學政學五朝文教等書歿後廣宗民肖像祀之

氏姓譜

卷九

十一

姜氏

聖

姜志德項城人正德丁丑進士仕趙州有惠政累陞福建布政使巡撫山東釐剔弊竇著兩浙賦役成書卓有實濟京師語曰天下清官姜志德穆宗賜敕褒美卒贈工部侍郎諡莊肅諭祭葬

姜良字至善通許人正統壬戌進士授刑部主事從駕北狩也先欲降之脅以威不屈也先怒刃其臂良辭色益厲重其節乃釋之比還陞郎中累官右副都御史

姜昇字孟高湘潭人以永樂癸卯省元司教順德卓有師道宣德己酉典山西鄉舉稱得人宣宗親簡文士入試內庭以賢豪贊經綸命題昇詩稱旨擢拜禮科給事中後改戶科卒于官貧無斂具賴同官賻贖乃克以櫬歸先在順德時常貨一驢蹙蹶不任或請還之昇曰吾不忍復欺人妻觀洪武末鄆陵知縣民多豪猾觀選邑中老成人素信

服者使陳德義以勸諭之遂皆感化又貧民負稅者捐俸
置酒設請富者貸輸之民懷其德

姜謙字克讓上饒人成化進士任御史嘗督南畿陝西學
政以躬行實踐爲教士類風動時汪直新貴能禍福人謙
絕不與之接直銜之使邏校伺察竟莫閒陞四川左布政
使卒

婁璿東陽人成化五年爲順德令性剛果好摧折權勢政
自己出典按老奸不敢過縣門事有統紀獄無留帶口不
言錢聞貪汚者雖上官及僚必放聲唾罵其直類如此

歷代列女

婁氏北齊神武皇后也少明悟強族多慕其賢並不肯許
字及見神武于城上執役驚曰此吾夫也遂歸之

婁氏妻女名逞東陽女子也變服詐爲丈夫粗知圍碁解

氏姓譜

卷之四

十一

婁氏

吳

文義徧游公卿仕至揚州議曹從事事發明帝驅令還東
廷始作婦人服而去歎曰如此伎還之爲老嫗豈不惜哉
婁氏長洲人樂會令周泰妻通知五經子弟就周氏家立
講堂曰自非此母無可以傳授後生隔絳紗幔而受業人
方之韋逞母宣文君云泰卒于官氏奉骸骨間闕以歸節
操尤著

婁氏晉尚林妻湘潭人年二十夫沒值闖寇擾亂流離播
遷氏拮据撫孤與家年八十家人奉若嚴君邑紳郭金臺
等謀舉節氏聞之力却不許

婁妃寧王宸濠之妃也妃性敏達事至以理度之輒先知
其成敗侍宸濠每盡言規諫時武廟喜遊畋宸濠內結中
賈人及諸權要一日珠玉錦帛錯陳內庭妃請其用濠實
指某人妃跪諫曰賄賂公行非福也願千歲急止之濠不

聽竟有異謀養亡命造兵器如聞之大駭會名燕陽春別院妃手不及杯濠惟問之妃泣曰妾聞有德者王無德者亡又聞兵出無名事故不成今千歲覬覦神器實不德矣雖盛師旅利兵戈事何所成妾恐陽春之樂不能常保反遺後悔乞千歲熟思濠不悅爲罷飲後喪敗鄱陽妃投水死濠就擒檻車北上哭謂守者曰昔紂用婦言亡天下我不用婦言亡國家倘恨何及蓋婁妃先知宸濠之必敗也婁氏媼姓黃氏婁鏐妻也鏐爲涇州知州崇正七年流賊陷涇鏐殉難賊執氏以刀豎其頸勝之氏罵曰賊奴敢辱吾乎夫爲君死妻爲夫亡死吾分也遂引刀自刎士民收其遺骨葬涇州南門外立碑誌其墓

見通志周僂堙齊臣死于崔子之難

周氏

卷之四

十一

婁氏

皇

姬姓黃帝之苗裔后稷棄之後自后稷至赧王爲秦所滅黜爲庶人百姓號曰周家因爲氏焉又平王之子別封汝南者亦爲周氏又有周公黑肩之後世爲周卿士又商有太史周任豈其食采于周與又秦相有周恢又有姬氏唐先天中避明皇嫌名改爲周氏又上元中暨佐時準制改爲周氏又代北複姓有賀魯氏改爲周氏又後魏獻帝次兄普氏改爲周氏又後周改周氏爲車非氏按武王克商十一世平王遷都王城河南縣是也平王少子烈食采汝墳烈生懋懋生文文生昇昇生興興生晏晏生安安生宏宏生明明生隱隱生壽壽生容容生休休生雄雄生暉暉生寬寬生員員生成成生邕秦滅周并其地遂爲汝南著姓生秀秀生仁仁字季房漢

興積周之嗣復封爲汝墳侯賜號正公以汝墳下濕徙于安城十子長曰球執金吾生平陵令應應生郎中孝廉道道生五官中郎約約生決曹掾燕燕裔孫表又永安周氏亦出自決曹掾燕九世孫防防十三世孫靈超其先避西晉之亂南徙居永安黃岡又西周氏赧王爲西周武公其後爲西周氏又周生氏見姓苑今人呼人亦曰某生不必外生也晉中經簿云魏侍中周生烈本姓唐外養周氏

歷代名賢

周

周任商太史蓋立言人也隱公六年鄭侵陳先是鄭請成于陳陳侯不許五父諫曰親仁善鄰國之寶也不聽君子曰善不可失惡不可長其陳侯之謂乎長惡不悛從自及氏姓譜

卷九四

十一九

周氏

吳

也周任有言曰爲國家者見惡如農夫之務去草焉芟夷蘊崇之絕其本根勿使能殖則善者伸矣昭公五年魯叔孫穆子初避僑如之難奔齊及唐宗遇婦人私爲食而卒焉適齊娶國氏生孟丙仲任後唐宗婦以私子來見名曰牛使爲豎豎牛以計令穆子殺孟丙逐仲任穆子疾急命名仲牛許而不名因絕穆子之食而卒牛立昭子而相之昭子卽位朝其家衆曰豎牛殺適立庶罪莫大焉必速殺之豎牛奔齊孟仲之子殺諸塞闕之外仲尼曰叔孫昭子之不勞不可能也周任有言曰爲政者不賞私勞不罰私怨詩云有覺德行四國順之及季氏伐顛臾冉求不能止孔子復引周任之言曰陳力云云

周舍晉趙鞅之臣也舍立于門下三日三夜鞅使問曰子何事對曰願爲諂諂之臣墨筆操牘從君之過而日有記

也月有成也歲有效也執居與之居出與之出舍死執與諸大夫飲于洪波之臺酒酣執泣諸大夫皆出走曰臣有罪而不知執曰大夫無罪昔者周舍有言曰千羊之皮不如一狐之腋衆人諾諾不如一士之諤諤自周舍死吾未嘗聞吾過也亡無日矣是以泣也

周霄魏人霄謂官他曰子爲霄爲齊王曰霄願爲外臣今齊資我于魏官他曰不可是示齊輕也夫齊不以無魏者以害有魏者故公不如示有魏公曰王之所求于魏者臣請以魏聽齊必資公矣是公有齊以齊有魏也

周累周人也秦攻韓宜陽周君謂周累曰子以爲何如對曰宜陽必拔也君曰宜陽城方八里材士十萬粟支數年公仲之軍二十萬景翠以楚之衆臨山而救之秦必無功對曰甘茂羈旅也攻宜陽而有功則周公旦也無功則消

氏姓譜

卷之四

十一

周氏

見

迹于秦秦王不聽羣臣父兄之議而攻宜陽宜陽不拔秦王恥之臣故曰拔君曰子爲寡人謀且奈何對曰君謂景翠曰公爵爲執珪官爲柱國戰而勝則無加焉矣不勝則死不如背秦援宜陽公進兵秦恐公之乘其敝也必以寶事公公仲慕公之爲已乘秦也亦必盡其寶秦拔宜陽景翠果進兵秦懼遽效煮棗韓氏果亦效重寶景翠得城于秦受寶于韓而德東周

周豐魯人也哀公執摯請而見之而曰不可公曰我其已矣使人問焉曰有虞氏未施信于民民信之夏后氏未施敬于民民敬之何施而得斯于民對曰墟墓之間未施哀于民而民哀社稷宗廟之中未施敬于民而民敬殷人作誓而民始畔周人作會而民始疑苟無禮義忠信誠懇之心以涖之雖固結之民其不解乎

周詠魏安釐王時人秦敗魏于華王且入朝于秦周詠謂
王曰宋人有學者三年反而名其母其母曰名我者何也
其子曰吾所賢者堯舜堯舜名吾所大者天地天地名今
母賢不過堯舜母大不過天地是以名母也其母曰子之
于學將盡行之乎願子之有以易名母也子之于學將有
所不行乎願子之且以名母爲後也今王之事秦尙有可
以易入朝者乎願王之有以易之而以入朝爲後也王曰
子患寡人入而不出邪許縮爲我祝曰入而不出請殉寡
人以頭詠曰如臣之賤也有謂臣曰入不測之淵而必出
不出請以一鼠首爲汝殉臣必不爲也今秦不可知之國
猶不測之淵也而許縮之首猶鼠首也內王于不可知之
秦而殉王以鼠首竊爲王不取也且無梁孰與無河內急
王曰梁急無梁孰與無身急王曰身急曰以三者身上也
氏姓譜

卷六

十一九

周氏

五

河內其下也秦未索其下而王効其上可乎王尙未聽也
周紹趙人事武靈王武靈王立紹爲傅曰寡人始行縣過
番吾當子爲子之時踐石以上者皆道子之孝故寡人聞
子以璧遺子以酒食而求見子子謁病而辭寡人以子之
智慮辯足以道人危足以持難忠可以寫意信可以遠期
諺云服難以勇治亂以智事之計也立傅以行教少以學
義之經也寡人欲子朝服以傅王子紹曰王失論矣非賤
臣所敢任也王曰選子莫若父論臣莫若君君寡人也紹
曰立傅之道六智慮不躁達于變身行寬惠達于禮威嚴
不足易于位重利不足變其心恭于教而不快和于下而
不危六者傅之才而臣無一焉隱中不謁臣之罪也傅命
僕官以煩有司吏之恥也王請更論王曰知此六者所以
使子寡人以王子爲子任欲子厚愛之無所見醜御道之

以行義勿令溺苦于學事君者順其意不逆其志事先者明其高不倍其孤故有臣可命國之祿也子能行是所以事寡人者畢矣書云去邪勿疑任賢勿貳寡人與子不用人矣遂賜絳胡服衣冠具帶黃金師比以傅王子

漢

周勃絳侯沛人也其先卷人徙沛以織薄曲爲生常以吹簫給喪事材官引強高祖爲沛公初起勃以中涓從攻胡陵下方與方與反與戰却敵攻豐擊秦軍碭東還軍留及蕭復攻碭破之天下邑先登賜爵五大夫攻蘭虞取之擊章邯車騎殿畧定魏地攻轅咸東緝以往至栗取之攻齧桑先登擊秦軍阿下破之追至濮陽下蕪城攻都關定陶襲取宛胸得單父令夜襲取臨濟攻壽張以前至卷破李由雍邱下攻開封先至城下爲多後章邯破項梁沛公與

氏姓譜

卷九四

十一九

周氏

五

項羽引兵東如碭自初起沛還至碭一歲二月楚懷王封沛公號武安侯爲碭郡長沛公拜勃爲襄賁令從沛公定魏地攻東郡尉于城武破之攻長杜先登攻潁陽緹氏絕河津擊趙賁軍戶北南攻南陽守齧破武關饒關攻秦軍于藍田至咸陽滅秦項羽至以沛公爲漢王漢王賜勃爵爲威武侯從入漢中拜爲將軍還定三秦賜食邑懷德攻槐里好時最北擊趙賁內史保于咸陽最北救漆擊章平姚卬軍西定汧還下郿潁陽圍章邯廢邱破之西擊益巳軍破之攻上邽東守饒關擊項籍攻曲遇最還守敖倉追籍籍已死因東定楚地泗水東海郡凡得二十二縣還守雒陽標陽賜與穎陰侯共食鍾離以將軍從高祖擊燕王臧荼破之易下所將卒當馳道爲多賜爵列侯剖符世世勿絕食絳八千二百八十戶號絳侯以將軍從高帝擊韓

王信于代降下霍人以前至武泉擊胡騎破之武泉北轉
攻韓信軍銅鞮破之還降太原六城擊韓信胡騎晉陽下
破之下晉陽後擊韓信軍于滹石破之追北八十里還攻
樓煩三城因擊胡騎平城下所將卒當馳道爲多勃遷爲
太尉擊陳豨斬之得豨丞相程縱將軍陳武都尉高肆定
代郡九縣燕王盧綰反勃以相國代樊噲將擊卞薊得綰
大將抵丞相偃守陘太尉弱御史大夫施屠渾都破綰軍
上蘭復擊綰軍沮陽追至長城定上谷十二縣右北平十
六縣遼西東二十九縣漁陽二十二縣勃爲人木強敦厚
高帝以爲可屬大事勃不好文學每名諸生說士東鄉坐
責之趣爲我語其椎少文如此勃既定燕而歸高祖已崩
矣以列侯事惠帝惠帝六年置太尉官以勃爲太尉十年
高后崩呂祿以趙王爲漢上將軍呂產以呂王爲相國秉

氏姓譜

卷九

十一九

周氏

五

權危劉氏勃與陳平謀共誅諸呂而立孝文皇帝文帝卽
位以勃爲右丞相賜金五千金食邑萬戶居十餘月人或
說勃曰君旣誅諸呂立代王威震天下而君受厚賞處尊
位以寵久之卽禍及身勃懼自危乃謝請歸相印上許之
歲餘丞相平卒上復以勃爲丞相十餘月乃免相就國歲
餘每河東守尉行縣至絳絳侯勃自畏恐誅常披甲令家
人持兵以見其後人有上書告勃欲反下廷尉逮捕勃治
之勃恐不知置辭吏稍侵辱之勃以千金與獄吏獄吏書
牘背示曰以公主爲證初勃之益封盡以予薄昭薄昭爲
言薄太后太后亦以爲無反事文帝朝太后以言絮提文
帝曰絳侯錯皇帝璽將兵于北軍不以此時反今居一小
縣顧欲反邪文帝旣見絳侯獄辭乃謝曰吏事方驗而出
之于是使使持節赦勃復爵邑勃旣出曰吾嘗將百萬軍

然安知獄吏之貴也勃復就國孝文帝十一年卒諡曰武侯子勝之嗣尚公主不相中坐殺人死國絕一歲弟亞夫復爲侯亞夫爲河內守時許負相之曰君後三歲而侯侯入歲爲將相持國秉貴重矣于八臣無二後九年而餓死亞夫笑曰臣之兄以代父侯有如卒子當代我何說侯乎然旣已貴如負言又何說餓死指示我負指其口曰從理入口此餓死法也居三歲兄絳侯勝之有罪文帝擇勃子賢者皆推亞夫乃封爲條侯文帝後六年匈奴大入邊以宗正劉禮爲將軍軍霸上祝茲侯徐厲爲將軍軍棘門以河內守亞夫爲將軍軍細柳以備胡上自勞軍至霸上及棘門軍直馳入將以下騎出入送迎已而之細柳軍軍士吏被甲銳兵刃彀弓弩持滿天子先驅至不得入先驅曰天子且至軍門都尉曰軍中聞將軍之令不聞天子之詔

氏姓譜

卷九四

一九

周氏

五

有項上至又不得入于是上使使持節詔將軍曰吾欲勞軍亞夫乃傳言開壁門壁門士請車騎曰將軍約軍中不得驅馳于是天子乃按轡徐行至中營亞夫揖曰介冑之士不拜請以軍禮見天子爲動改容式車使人稱謝皇帝敬勞將軍成禮而去旣出軍門羣臣皆驚文帝曰嗟乎此眞將軍矣鄉者霸上棘門如兒戲耳其將固可襲而虜也至于亞夫可得而犯邪稱善者久之月餘三軍皆罷乃拜亞夫爲中尉文帝且崩時戒太子曰卽有緩急周亞夫眞可任將兵文帝崩亞夫爲車騎將軍孝景帝三年吳楚反亞夫以中尉爲太尉東擊吳楚因自請上曰楚兵剽輕難與爭鋒願以梁委之絕其食道乃可制也上許之亞夫至霸上趙涉遮說亞夫曰將軍東誅吳楚勝則宗廟安不勝則天下危能用臣之言乎亞夫下車禮而問之涉曰吳王

素富懷輯死士从矣此知將軍且行必置問人于穀甌隄
陘之間且兵事上神密將軍何不從此右去走藍田出武
關抵雒陽間不過差一二日直入武庫擊鳴鼓諸侯聞之
以爲將軍從天而下也太尉如其計至雒陽使吏搜殺甌
間果得吳伏兵乃請涉爲護軍亞夫至會兵滎陽吳方攻
梁梁急請救亞夫引兵東北走昌邑深壁而守梁王使使
請亞夫亞夫守便宜不往梁上書言景帝景帝詔使救梁
亞夫不奉詔堅壁不出而使輕騎兵弓高侯等絕吳楚兵
後食道吳楚兵乏粮飢欲退數挑戰不出夜軍中驚內相
攻擊擾亂至于帳下亞夫堅卧不起頃之復定吳奔壁東
南蹶亞夫使備西北已而其精兵果奔西北不得入吳楚
旣餓乃引而去亞夫出精兵追擊大破吳王濞吳王濞棄
其軍與壯士數千人亡走保于江南丹徒漢兵因乘勝遂
氏姓譜

卷九十四

十九

周氏

五

盡虜之降其縣購吳王千金月餘越人斬吳王頭以告凡
相守攻三月而吳楚破平于是諸將乃以太尉計謀爲是
由此梁孝王與亞夫有隙歸復置太尉官五歲遷爲丞相
景帝甚重之上廢栗太子亞夫固爭之不待上由此疏之
而梁孝王每朝常與太后言亞夫之短竇太后曰皇后兄
王信可侯也上讓曰始南皮及章武先帝不侯及臣即位
乃侯之信未得封也竇太后曰人生各以時行耳竇長君
在時竟不得封侯死後乃其子彭祖顧得侯吾甚恨之帝
趣侯信也上曰請得與丞相計之亞夫曰高帝約非劉氏
不得王非有功不得侯不如約天下共擊之今信雖皇后
死無功侯之非約也上默然而沮其後匈奴王徐盧等五
人降漢上欲侯之以勸後亞夫曰彼背其主降陛下陛下
侯之卽何以責人臣不守節者乎上曰丞相議不可用乃

悉封徐廬等爲列侯亞夫因謝病免相頃之上居禁中
亞人賜食獨置大噉無切肉又不置箸亞夫心不平顧謂
尚席取箸上視而笑曰此非不足君所乎亞夫免冠謝上
上曰起亞夫因趨出上曰送之曰此鞅鞅非少吉臣也居
無何亞夫子爲父買工官何方甲楯五百被可以塋者取
庸苦之不與錢庸知其盜買縣官器怨而上變告于事連
汙亞夫書既聞上下吏簿責亞夫亞夫不對上罵之曰
吾不用也名詣廷尉廷尉責問曰君侯欲反何曰臣所買
乃塋器也何謂反乎吏曰君縱不欲反地上卽欲反地下
耳吏侵益急初吏捕亞夫亞夫欲自殺夫人止之以故不
得死遂入廷尉不食五日歐血死國絕一歲上乃更封絳
侯勃他子堅平曲侯續絳侯傅子建德爲太子太傅坐酎
金免官後有罪國除亞夫杲餓死死後乃封王信爲蓋侯

氏在譜

卷四

十九

周氏

三

周繇沛人也以舍人從高祖起沛至霸上西入蜀漢還定
三秦常爲參乘賜食邑池陽從東擊項羽滎陽絕甬道從
出度平陰遇韓信軍襄國戰有利不利終亡離上心上以
繇爲信武侯食邑三千三百戶上欲自擊陳豨繇泣曰始
秦攻破天下未曾自行今上常自行是亡人可使者乎上
以爲愛我賜入殿門不趨十二年更封繇爲酈城侯孝文
五年薨諡曰貞侯子昌嗣有罪國除景帝復封繇子應爲
酈侯薨諡曰康侯子仲居嗣坐爲太常有罪國除
周昌沛人也其從兄苛秦時皆爲泗水卒史及高祖沛起
擊破泗水守監於是苛昌自卒史從沛公沛公以昌爲職
志苛爲客從入關破秦沛公立爲漢王以苛爲御史大夫
昌爲中尉漢三年楚圍漢王滎陽急漢王出去而使苛守
滎陽城楚破滎陽城欲令苛將苛罵曰君趣降漢王不然

今爲慮矣項羽怒亨苛漢王于是拜昌爲御史大夫常從擊破項籍六年與蕭曹等俱封爲汾陰侯苛于成以父死爭封爲高景侯昌爲人強力敢直言白蕭曹等皆卑下之昌嘗燕入奏事高帝方擁威姬昌還走高帝遂得騎昌頃間曰我何如主也昌仰曰陛下卽桀紂之主也于是上笑之然尤憚昌及高帝欲廢太子而立威姬于如意大臣固爭莫能得上以留侯策止而昌庭爭之強上問其說昌爲人吃又盛怒曰臣口不能言然臣心知其其不可陛下欲廢太子臣期期不奉詔上欣然而笑卽罷吕后側耳于東箱聽見昌爲跪謝曰微君太子幾廢是後威姬子如意爲趙王年十歲高祖憂萬歲之後不全也故悲歌不樂羣臣不知上所以然趙堯進請間曰陛下所爲不樂非以趙王年少恐萬歲之後不能白全乎高祖曰我私憂之不知所

氏姓譜

卷四

二九

周氏

五

出堯曰陛下獨爲趙王置貴疆相及吕后太子羣臣素所敬憚者乃可高祖曰然羣臣誰可者堯曰獨昌可高祖曰善于是名昌謂曰吾固欲煩公爲我相趙昌泣曰臣初起從陛下陛下獨奈何中道而棄之于諸侯乎高祖曰吾私憂趙念非公不可于是徙御史大夫昌爲趙相旣行久之高祖持御史大夫印弄之曰誰可以爲御史大夫者孰視堯曰無以易堯遂拜堯爲御史大夫高祖崩太后使使召趙王其相昌令王稱疾不行使者三反昌曰高帝屬臣趙王王年少竊聞太后怨戚夫人欲召趙王並誅之臣不敢遣王王且亦疾不能奉詔太后怒乃使使召趙相相至滿太后太后罵昌曰爾不知我之怨戚氏乎而不遣趙王昌旣被徵高后使使召趙王王來至長安月餘見鳩殺昌讞病不朝晷三歲而薨諡曰悼侯

周堪字少卿齊人也與孔霸俱事大夏侯勝霸爲博士堪
譚官令論于石渠經爲最高後爲太子少傅而孔霸以太
中大夫授太子及元帝卽位堪爲光祿大夫與蕭望之並
領尙書事爲石顯等所譖皆免官望之自殺上愍之乃擢
堪爲光祿勳

周磐字堅伯汝南安成人徵士變之宗也祖父業建武初
爲天水太守磐少遊京師學古文尙書洪範五行左氏傳
好禮有行非典謨不言諸儒宗之居貧養母儉薄不充嘗
誦詩至汝墳之卒章慨然而歎乃解韋帶就孝廉之舉和
帝初拜謁者除任城長遷陽夏重合令頗歷三城皆有惠
政後思母棄官還鄉里及母沒哀至幾于毀滅服終遂廬
于冢側教授門徒常千人公府三辟皆以有道特徵磐語
友人曰昔方回支父嗇神養和不以榮利滑其生術吾親
氏姓譜

卷四

十一九

周氏

五

已沒矣從物何爲遂不應建光元年年七十三歲朝會集
諸生講論終日因令其二子曰吾日者夢見先師東里先
生與我講于陰堂之奧旣而長歎豈吾齒之盡乎若命終
之日桐棺足以周身外椁足以周棺斂形懸封濯衣幅巾
編二尺四寸簡寫堯典一篇并刀筆各一以置棺前示不
忘聖道其月望日無病忽終學者以爲知命云

周榮字平孫廬江舒人也肅宗時舉明經辟司徒袁安府
安數與論議甚器之及安舉奏寶景及與竇憲爭立北單
于事皆榮所具草竇氏客太尉掾徐齠深惡之魯榮曰子
爲袁公心腹之謀排奏竇氏竇氏悍士刺客滿城中謹備
之矣榮曰榮江淮孤生蒙先帝大恩縱爲竇氏所害誠所
甘心故常敕妻子若卒遇飛禍無得殞斂冀以區區腐身
覺悟朝廷及竇氏敗榮由此顯各自郎介擢爲尙書令出

爲潁川太守坐法當下獄和帝思榮忠節左轉共令歲餘復爲山陽太守所歷郡縣皆見稱紀以老病乞身卒于家詔特賜錢二十萬除子興爲郎中興少有名譽永寧中尙書陳忠上疏薦興曰臣伏惟古者帝王有所號令言必宏雅辭必溫麗垂于後世列于典經故仲尼嘉唐虞之文章從周室之郁郁臣竊見光祿郎周興孝友之行著于閭門清麗之志聞于州里蘊贗古今博物多聞三墳之篇五典之策無所不覽屬文著辭有可觀採尙書出納帝命爲王喉舌臣等旣愚闇而諸郎多文俗吏鮮有雅才每爲詔文宣示內外轉相求請或以不能而專已自由辭多鄙固與抱奇懷能隨輩棲遲誠可歎息詔乃拜興爲尙書郎卒興

子景

周景字仲饗辟大將軍梁冀府稍遷豫州刺史河內太守

氏姓譜

卷四

十九

周氏

五

好賢愛士其拔才薦善常恐不及每至歲時延請舉吏入上後堂與其宴會如此數四乃遣之贈送什物無不充備旣而選其父兄子弟事相優異嘗稱曰臣子同貫若之何不厚先是司徒韓演在河內志在無私舉吏當行一辭而已恩亦不及其家曰我舉若可矣豈可令徧積一門故當時論者議此二人景後徵入爲將作大匠及梁冀誅景以故更免官禁錮朝廷以景素著忠正頃之復引拜尙書令遷大僕衛尉六年代劉寵爲司空是時宦官任人及子弟充塞列位景初視事與太尉楊秉舉奏諸姦猾自將軍牧守以下免者五十餘人遂連及中常侍防東陽侯侯覽東武陽侯侯覽皆坐黜朝廷莫不稱之視事二年以地震策免歲餘復代陳蕃爲太尉建寧元年薨以豫議定策立靈帝追封安陽鄉侯長子崇嗣至甘陵相中子忠少歷列位

累遷大司農

周燮字彥祖汝南安城人決曹掾燕之後也燮生而欽頤折頰醜狀駭人其母欲棄之其父不聽曰吾聞聖賢多有異貌與我宗者乃此兒也于是養之始在髻髻而知廉讓十歲就學能通詩論及長專精禮易不讀非聖之書不修賀問之好有先人草廬結于岡畔下有陂田常肆勤以自給非身所耕漁則不食也鄉黨宗族希得見者舉孝廉賢良方正特徵皆以疾辭延光二年安帝以元纁羔幣聘燮及南陽馮良二郡各遣丞掾致禮宗族更勸之燮曰吾既不能隱處巢穴追綺季之跡而猶顯然不遠父母之國斯固以滑泥揚波同其流矣夫修道者度其時而動動而不時焉得亨乎因自載到潁川陽城遣生送敬遂辭疾而歸詔書告二郡歲以羊酒養病年七十餘而終

氏姓譜

卷九

十一九

周氏

五九

周防字偉公汝南汝陽人也父揚少孤微常修逆旅以供過客而不受其報防年十六仕郡小吏世祖巡狩汝南召掾史試經防尤能誦讀拜爲守丞防以未冠謁去師事徐州刺史蓋豫受古文尙書經明舉孝廉拜郎中撰尙書雜記三十二篇四十萬言太尉張禹薦補博士稍遷陳留太守坐法免年七十八卒于家子舉

周舉字宜光汝南汝陽人陳留太守防之子舉姿貌短陋而博學洽聞爲儒者所宗故京師爲之語曰五經縱橫周宣光延熹四年辟司徒李郃府時宦者孫程等旣立順帝誅滅諸閹議郎陳禪以爲閹太后與帝無母子恩宜徙別館絕朝見羣臣議者咸以爲宜舉謂郃曰諸閹新誅太后幽在離宮若悲愁生疾一旦不虞主上將何以令于天下如從禪議後世歸咎明公宜密表朝廷令奉太后率厲羣

臣朝覲如舊以厭天心以答人望卽上疏陳之明年正月帝乃朝于東宮太后由此以安後長樂少府朱伉代卽爲司徒舉猶爲吏時孫程等坐懷表上殿爭功帝怒悉徙封遠縣勅洛陽令促期發遣舉說朱伉曰孫程等之功雖韓彭吳賈何以加諸今忘其大德錄其小過恐帝有殺功臣之譏及今未去宜急表之伉曰今諸怒二尙書已奏其事吾獨表此必致罪譴舉曰明公年過八十位至台輔今不竭忠報國祿位雖全必陷佞邪之譏若舉言不足探請從此辭伉乃表諫帝果從之舉後舉茂才爲平邱令上書言當世得失辭甚切正尙書郭虔應賀等見之歎息其上疏稱舉忠直欲帝置章御坐以爲規誡舉稍遷并州刺史太原一郡舊俗以介子推焚骸有龍忌之禁至其亡月咸言神靈不樂舉火由是士民每冬中輒一月寒食莫敢煙

氏姓譜

卷九四

十一九

周氏

六

嬰老小不堪歲多死者舉旣到州乃作弔書以置子推之廟言盛冬去火殘損民命非賢者之意以宣示愚民使還溫食于是衆感稍解風俗頗革轉冀州刺史陽嘉三年司隸校尉左雄薦舉徵拜尙書舉與僕射黃瓊同心輔政各重朝廷左右憚之是歲河南三輔大旱五穀災傷天子親自露坐德陽殿東廂請雨又下司隸河南禱祀河神名山大澤詔書以舉才學優深特下策問舉對以宜出後宮不御之女理天下冤枉之獄除大官重膳之費易傳曰陽感天不旋日惟陛下留神裁察因名見舉及尙書令成翊世僕射黃瓊問以得失舉等並對以爲宜慎官人去斥貪汙離遠佞邪循文帝之儉尊孝明之教則時雨必應帝曰百官貪汙佞邪者爲誰乎舉獨對曰臣從下州起備機密不足以及別羣臣然公卿大臣數有直言者忠貞也阿諛苟容

者俊邪也司徒視事六年未聞有忠言異謀愚心在此其後以事免司徒劉崎遷舉司隸校尉永和元年災異數見省內惡之詔名公卿中二千石尚書詣顯親殿問曰言事者多矣昔周公薨成王欲以公禮葬之天爲變動及更葬卽有反風之應北鄉侯親爲天子而葬以王禮故數有災異宜加尊諡列于貽穆羣臣議者多謂宜如詔旨舉獨對曰昔周公命之應隆太平之功故皇天動威以章聖德北鄉侯本非正統姦臣所立立不踰歲年號未改葬以王禮于事已崇不宜稱諡災眚之來弗由此也于是司徒黃尚太常桓焉等七十人同舉議帝從之舉出爲蜀郡太守坐事免大將軍梁商表爲從事中郎甚敬重焉六年三月上巳日商大會賓客讌于洛水舉時稱疾不往商與親暱酣飲極歡及酒闌倡罷繼以籛露之歌坐中聞者皆爲

氏姓譜

卷之四

十一九

周氏

六

掩涕太僕張种時亦在焉會還以事告舉舉歎曰此所謂哀樂失時非其所也殃將及乎商至秋果薨商疾篤帝親臨幸問以遺言對曰從事中郎周舉清高忠正可重任也由是拜舉諫議大夫時連有災異帝思商言召舉于顯親殿問以變情舉對曰陛下初立遵修舊典興化致政遠近肅然頃年以來稍違于前朝多寵倖祿不序德觀天察人準今方古誠可危懼書曰僭恒暘若夫僭差無度則言不從而下不正陽無以制則上擾下竭宜密嚴勅州郡察強宗大姦以時擒討其後江淮猾賊周生徐鳳等處處並起如舉所陳時詔遣八使巡行風俗皆選素有威名者其刺史二千石有臧罪顯明者驛馬上之墨綬以下便輒收舉其有清忠惠利爲百姓所安宜表異者皆以狀上于是八使同時俱拜天下號曰八俊舉于是劾奏貪猾表薦公清

朝廷稱之遷河內太守徵爲大鴻臚尋遷光祿勳會遭母憂去職後拜光祿大夫建和三年卒朝廷以舉清公亮直方欲以爲宰相深痛惜之

周澤字穉都北海安邱人也少習公羊嚴氏春秋隱居教授門徒常數百人建武末辟大司馬府署議曹祭酒數月徵試博士中元元年遷罷池令奉公克已矜恤孤羸吏人歸愛之十年累官太常果敢直言數有據爭後北地太守廖信坐貪穢下獄沒入財產顯宗以信臧物班諸廉吏惟澤及光祿勳孫堪大司農常冲特蒙賜焉是時京師翕然在位者咸自勉勵十二年以澤行司徒事頗失宰相之望數月復爲太常清潔循行盡敬宗廟常卧病齋宮其妻哀澤老病闕問所苦澤大怒以妻干犯齋禁遂收送詔獄謝罪當世疑其詭激時人爲之語曰生世不諧作太常妻一

氏姓譜

卷九四

十九 周氏

三

歲三百六十日三百五十九日齋十八年拜侍中騎都尉後數爲三老五更建初中致仕卒于家

周嘉字惠文汝南安城人也高祖父燕宣帝時爲郡決曹掾太守欲枉殺人燕諫不聽遂殺囚而黜燕囚家守闕稱

冤詔遣覆考燕見太守曰願謹定文書皆著燕名府君但言時病而已出謂掾吏曰諸君被問悉當以罪推燕如有

一言及于府君燕手劍相刃使收燕繫獄屢被掠楚辭無屈撓當下蠶室乃歎曰我平王之後公正元孫豈可以刀

鋸之餘下見先君遂不食而死燕有五子皆至刺史太守嘉仕郡爲主簿王莽末羣賊入汝陽城嘉從太守何敞討

賊敞爲流矢所中郡兵奔北賊圍繞數十重白刃交集嘉乃擁敞以身扞之因呵賊曰卿曹皆人隸也爲賊旣逆豈

有還害其君者邪嘉請以死贖君命因仰天號泣羣賊于

是兩相視曰此義士也給其車馬遣送之後太守寇恂舉
爲孝廉拜尙書侍郎光武引見問以遭難之事嘉對曰太
守被傷命懸寇手臣實驚怯不能死難帝曰此長者也詔
嘉尙公主嘉稱病篤不肯當稍遷零陵太守視事七年卒
零陵頌其遺愛吏民爲立祠焉

周暢字伯持嘉從弟也性仁慈爲河南尹永初二年夏旱
久禱無應暢因收塋洛城傍客死骸骨凡萬餘人應時樹
兩歲乃豐稔位至光祿勳

周黨字伯况太原廣武人也家產千金少孤爲宗人所養
而遇之不以禮及長又不還其財黨詣鄉縣訟主乃歸之
旣而散與宗族悉免遣如婢送至長安遊學初鄉佐嘗衆
中辱黨黨久懷之後讀春秋聞復仇之義便輟講而還與
鄉佐相聞期剋鬪日旣交刃而黨爲鄉佐所傷困頓鄉佐

氏姓譜

卷九

十一

周氏

三

服其義輿歸養之數日方蘇旣悟而去自此救身修志州
里稱其高及王莽竊位託疾杜門自後賊暴縱橫殘滅郡
縣惟至廣武過城不入建武中徵爲議郎以病去職遂將
妻子居黽池復被徵不得已乃著短布單衣穀皮綃頭待
見尙書及光武引見黨伏而不謁自陳願守所志帝乃許
焉博士范升奏毀黨書奏天子以示公卿詔曰自古明王
聖主必有不賓之士伯夷叔齊不食周粟太原周黨不受
朕祿亦各有志焉其賜帛四十匹黨遂隱居黽池著書上
下篇而終邑人賢而祠之

國

周羣字仲直巴西閬中人也父舒字叔布少學術于廣漢
楊厚名亞董扶在安數被徵終不詣時人有問春秋讖曰
代漢者當塗高何謂也舒曰當塗高者魏也鄉黨學者私

傳其語羣少受學于舒專心候業于庭中作小樓家富多
如常令奴更直于樓上視天災纔見一氣卽白羣羣自上
樓觀之不避晝夜故凡有氣候無不見之者是以所言多
中州牧劉璋辟以爲師友從事先主定蜀署儒林校尉先
主欲與曹操爭漢中間羣羣對曰當得其地不得其民也
若出偏軍必不利當戒慎之先主用其言果得地而不得
民也遣將軍吳蘭雷銅等入武都皆沒不還悉如羣言于
是舉羣茂才卒子巨頗傳其術云

周瑜字公瑾廬江舒人也從祖父景景子忠皆爲漢太尉
父異洛陽令瑜長壯有姿貌初孫堅興義兵討董卓徙家
于舒堅子策與瑜同年獨相友善瑜推道南大宅以舍策
升堂拜母有無通共瑜從父尙爲丹陽太守瑜往省之會
策將東渡到歷陽馳書報瑜瑜將兵迎策策大喜曰吾得
氏姓譜 卷九 十一 周氏 裔

與諧也遂從攻橫江悉利皆拔之乃渡擊秣陵破笮融薛
禮轉下湖孰江乘進入曲阿劉繇奔走而策之衆已數萬
矣因謂瑜曰吾以此衆取吳會平山陰已足卿還鎮丹陽
瑜還頃之袁術遣從弟亂代尙爲太守而瑜與尙俱還壽
春術欲以瑜爲將瑜觀術終無所成故求爲居巢長欲假
塗東歸術聽之遂自居巢還吳是歲建安三年也策親自
迎瑜授建威中郎將卽與兵二千人騎五十匹瑜時年二
十四吳中皆呼爲周郎以瑜恩信著于廬江出備牛渚後
領春穀長頃之策欲取荊州以瑜爲中護軍領江夏太守
從攻皖拔之時得橋公兩女皆國色也策自納大橋瑜納
小喬復進尋陽破劉勲討江夏還定豫章廬陵留鎮巴邱
五年策薨權統事瑜將兵赴喪遂留吳以中護軍與長史
張昭共掌衆事十三年九月曹操入荊州劉琮舉衆降曹

操得其水軍船步兵數十萬將士聞之皆恐懼權延見羣下問以計策議者咸曰曹操豺虎也然託名漢相挾天子以征四方動以朝廷爲辭今日拒之事更不順不如迎之瑜曰不然操雖託名漢相其實漢賊也將軍以神武雄才兼仗父兄烈割據江東地方數千里兵精足用英雄樂業尙當橫行天下爲漢家除殘去穢况操自送死而可迎之邪請爲將軍籌之權曰老賊欲廢漢自立矣徒忌二袁呂布劉表與孤耳今數雄已滅惟孤尙存孤與老賊勢不兩立君言當擊甚與孤合此天以君授孤也時劉備爲曹操所破欲引南渡江與魯肅遇于當陽遂共圖計因進住夏口遣諸葛亮詣權權遂遣瑜及程普等與備并力逆曹操遇于赤壁時曹操軍衆已有疾病初交戰公軍敗退引次江北瑜等在南岸瑜部將黃蓋曰今寇衆我寡難與持久

氏姓譜

卷九

十九

周氏

五

然觀操軍方連船艦首尾相接可燒而走也乃取蒙衝鬪艦數十艘實以薪草膏油灌其中裹以帷幕上建牙旗先書報曹操欺以欲降又豫備走船各繫大船後因引次俱前曹操軍吏士皆延頸觀望指言蓋降蓋放諸船同時發火時風盛猛悉延燒岸上營落頃之煙爰漲天人馬燒溺死者甚衆軍遂敗退還保南郡備與瑜等復共追曹操留曹仁等守江陵城徑自北歸瑜與程普又進南郡與仁相對各隔大江兵未交鋒瑜卽遣甘寧前據夷陵仁分兵騎別攻圍寧寧告急于瑜瑜用呂蒙計留凌統以守其後身與蒙上救寧寧圍卽解乃渡屯北岸克期大戰瑜親跨馬櫟陣會流矢中右脅瘡甚便還後仁聞瑜卧未起勒兵就陣瑜乃自興案行軍營激揚吏士仁由是遂退權拜瑜偏將軍領南郡太守以下雋漢昌劉陽州陵爲奉邑屯據江

陵劉備以左將軍領荊州牧治公安備詣京見權瑜上疏曰劉備以梟雄之姿而有闕羽張飛熊虎之將必非以屈爲人用者愚謂大計宜徙備置吳盛爲築宮室多玩好以娛其耳目分此二人各置一方使如瑜者得挾與攻戰大事可定也權以曹公在北方當廣擊英雄又恐備難卒制故不納是時劉璋爲益州牧外有張魯寇侵瑜乃詣京見權曰乞與奮威俱進取蜀得蜀而并張魯因留奮威守其地好與馬超結援瑜還與將軍據襄陽以蹙操北方可圖也權許之瑜還江陵爲行裝而道于巴邱病卒時年三十六權素服舉哀感動左右喪當還吳又迎之蕪湖衆事費度一爲供給瑜少精意于音樂雖三爵之後其有闕誤瑜必知之知之必顧故時人謠曰曲有誤周郎顧瑜而男一女女配太子登男循尙公王拜騎都尉有瑜風早卒循弟

氏姓譜

卷九四

十九

周氏

六

亂初拜興業都尉妻以宗女授兵千人屯公安黃龍元年封都鄉侯後以罪徙廬陵郡

周泰字幼平九江下蔡人也與蔣欽隨孫策爲左右服事恭敬數戰有功策入會稽署別部司馬授兵權愛其爲人請以自給策討六縣山賊權住宣城使士自衛不能干人意忽畧不治圍落而山賊數千人卒至權始得上馬而賊鋒刃已交于左右或斫中馬鞍衆莫能自定惟泰奮擊投身衛權胆氣倍人左右由泰並能就戰賊旣解散身被十二創良从乃蘇是日無泰權幾危殆策深德之補春穀長後從攻皖及討江夏還過豫章復補宜春長所在皆食其征賦從討黃祖有功後與周瑜程普拒曹操于赤壁攻曹仁于南郡荊州平定將兵屯岑曹操出濡須泰復赴擊曹操退留督濡須拜平虜將軍時朱然徐盛等皆在所部並

不伏也。權特爲案行至濡須塢，因會諸將大爲酣樂。權自行酒到，泰前命泰解衣，權手自指其瘡痕，問以所起。泰輒記昔戰鬪處，以對畢，使復服。歡讌極夜，其明日遣使者授以御蓋。于是盛等乃伏後，權破關羽，欲進圖蜀。拜泰漢中太守，奮威將軍，封陵陽侯。黃武中卒。子邵以騎都尉領兵。曹仁出濡須戰有功，又從攻破曹休，進位裨將軍。黃龍二年卒。弟承領兵。義侯。

周魴字子魚，吳郡陽羨人也。少好學，舉孝廉爲寧國長。轉在懷安。錢唐大帥彭式等蟻聚爲寇，以魴爲錢唐侯，相旬月之間，斬式首及其支黨，遷丹陽西部都尉。黃武中，鄱陽大帥彭綺作亂，攻沒屬城，乃以魴爲鄱陽太守，與胡綜戮力致討，遂生禽綺，送詣武昌。加昭義校尉，被命密求山中舊族名帥爲北敵所聞知者，令譎挑魏大司馬揚州牧曹氏姓譜。

卷九

十一

周氏

七

休魴答恐民帥小醜不足枝任事，或漏泄不能致休，乞遣親人齋牋七條以誘休。休果信魴，帥步騎十萬，輜重滿道，徑來入皖。魴亦合衆隨陸遜，橫截休，休幅裂瓦解，斬獲萬計。魴初建密計，時頗有詭官奉詔詰問諸事。魴乃詣部郡門下，因下髮謝，故休聞之不復疑慮。事捷，軍旋權大會，諸將歡宴，酒酣，請魴曰：「君下髮載義成，孤大事，君之功名當書之竹帛，加裨將軍，賜爵關內侯，賊帥蓋嗣負阻，劫鈔豫章，臨川並受其害。吾粲唐咨嘗以三于兵攻守，連月不能拔。魴表乞罷兵，得以便宜從事。魴遣間牒，授以方策，誘徂殺嗣。嗣弟怖懼，詣武昌降。于陸遜乞出平地，自改爲善。由是數郡無復憂。魴在郡十三年，卒。賞善罰惡，威恩並行。子處亦有文武才幹。天紀中爲東觀令，無難督。」

周處字子隱少孤未弱冠膂力絕人好馳騁田獵不修細
行縱情肆慾州曲患之處自知爲人所惡乃慨然有改勵
之志請父老曰今時和年豐何苦而不樂邪父老歎曰三
害未除向樂之有處曰何謂也答曰南山白額猛獸長橋
下蛟並子爲三矣處曰若此爲患吾能除之父老曰子若
除之則一郡之大慶非徒去害而已處乃入山射殺猛獸
因投水搏蛟蛟或沉或浮行數十里而處與之俱經三日
二夜人謂死皆慶賀處果殺蛟而反聞鄉里相慶始知人
患已之甚乃入吳尋二陸見雲具以情告曰欲自修而年
已踰跽恐將無及雲曰古人貴朝聞夕改君前途尚可但
憲志之不立何憂名之不彰處遂勵志好學有文思志存
義烈言必忠信克已暮年州府交辟仕吳爲東觀左丞孫
皓末爲無難督及吳平入洛稍遷新平太守撫和戎狄叛

氏姓譜

卷九四

十一九

周氏

六

羌歸附雍土美之轉廣漢太守郡多滯訟有經三十年而
不決者處詳其枉直一朝決遣以母老罷歸尋除楚內史
未之官徵拜散騎常侍處曰古人辭大不辭小乃先之楚
而郡旣經喪亂新舊雜居風俗未一處敦以教義又檢尸
骸無主及白骨在野敗塋之然始就徵遠近稱歎及居近
侍多所規諷遷御史中丞凡所糾劾不避寵戚梁王彤違
法處深文按之及氏人齊萬年反朝臣惡處強直皆曰處
吳之名將子也忠烈果毅乃使隸夏侯駿西征伏波將軍
孫秀知其將死謂之曰卿有老母可以此辭也處曰忠孝
之道安得兩全今日是我死所也萬年聞之曰周府君昔
臨新平我知其爲人才兼文武若專斷而來不可當也如
受制于人此成擒耳旣而梁王彤爲征西大將軍都督關
中諸軍事處知彤不平必常陷已乃悲慨卽路志不生還

中書令陳濟知彤將廷宿限乃言于朝曰周處吳人忠勇果勁有怨無援將必喪身宜詔孟觀以精兵萬人爲處前鋒不然彤當使處先驅其敗必也朝廷不從時賊屯梁山有衆七萬而騷逼處以五千兵擊之處曰軍無後繼必至覆敗雖在亡身爲國取恥彤復命處進討乃與振威將軍盧播雍州刺史解系攻萬年于六陌將戰處軍人未食彤促令速進而絕其後繼處知必敗賦詩曰去去世事已策馬觀西戎藜藿甘梁黍期之克令終言畢而戰自旦及暮斬首萬計弦絕矢盡播系不救左右勸退處按劍曰此是吾效節授命之日何退之爲遂力戰而沒追贈平西將軍賜錢百萬塋地一頃京城地五十畝爲第又賜王家近田五頃詔曰處母年老加以遠人朕每慙念給其醫藥酒米賜以終年處著縣語三十篇及風土記並撰集吳書及元

氏姓譜

卷九四

十一方 周氏

七

帝爲晉王將加處策謚太常賀循議曰處履德清方才量高出歷守四郡安人立政入司百僚貞節不撓在戎致身見危授命此忠賢之茂實烈士之遠節按謚法執德不回曰孝遂以謚焉有三子玘靖札靖早卒玘札並知名

周訪字士達本汝南安城人也漢末避地江南至訪四世吳平因家廬江尋陽焉祖纂吳威遠將軍父敏在中郎將訪少沉毅謙而能讓果于斷割周窮振乏家無餘財爲縣功曹時陶侃爲散吏訪薦爲主簿相與結友以女妻侃子瞻訪察孝廉除郎中上甲令皆不之官鄉人盜訪牛于家間殺之訪得之密埋其肉不使人知及元帝渡江命參鎮東軍事時有與訪同姓名者罪當死吏誤收訪訪奮擊收者數十人皆散走而自歸于帝帝不之罪尋以爲楊烈將軍領兵一千二百屯尋陽鄂陵與甘卓趙誘討華軼以平

江州功爲振武將軍尋陽太守加鼓吹曲蓋復命訪與諸軍共征杜破破作栝棹打官軍船艦又遣其將張彥陌豫章被燒城邑王敦時鎮湓口遣督護繆羆李恒共擊彥羆于豫章石頭與彥交戰彥軍退走訪率帳下追彥破之臨陣斬彥時訪爲流矢所中折前兩齒形色不變及暮訪與賊隔水賊衆數倍自知方不能敵乃密遣人結陣鳴鼓而來大呼曰左軍至士卒皆稱萬歲至夜令軍中多布火而食賊謂官軍益至未曉而退訪謂諸將曰賊必引退然終知我無救當還掩人宜促渡水北既渡斷橋訖而賊果至隔水不得進于是遂歸湘州訪復以舟師造湘城軍達富口而破遣杜宏出海昏時湓口騷動訪步上柴桑偷渡與賊戰斬首數百賊退保廬陵訪追擊敗之賊嬰城自守尋而軍糧爲賊所掠退往巴邱糧廩既至復圍宏于廬陵宏

氏姓譜

卷九

十一九

周氏

七

大斲寶物于城外軍人競拾之宏因陣亂突圍而出訪率軍追之獲鞍馬鎧仗不可勝數宏入南康太守將率兵逆擊又破之奔于臨賀帝又進訪龍驤將軍王敦表爲豫章太守加征討都督賜爵尋陽縣侯時愍帝以待中第五爲征南大將軍出自武關賊率杜曾擊曠胡混等並迎倚奉之聚兵數萬破陶侃于石城攻平南將軍荀崧于宛不剋引兵向江陵王敦以從弟廙爲荊州刺史令趙誘朱軌黃峻等討曾而大敗于女觀湖誘軌並遇害曾遂逐廙徑造沔口大爲寇害元帝命訪擊之訪有衆八千進至沌陽曾等銳氣甚盛訪曰先人有奪人之心軍之善謀也使將軍李恒督左甄許朝督右甄訪自領中軍高張旌幟自旦至中而甄皆敗訪選精銳八百人自行酒飲之勅不得妄動聞鼓音乃進賊未至三十步訪親鳴鼓將士皆騰躍奔

赴會遂大潰殺千餘人訪夜追之諸將請待明日訪曰何
之敗也彼勞我逸是以剋之宜及其衰乘之可滅鼓行而
進遂定漢沔沔會等走固武當訪以功遷南中郎將督梁州
諸軍梁州刺史屯襄陽訪謂其僚佐曰昔城濮之役晉文
以得臣不死而有憂色今不斬曾禍難未已于是出其不
意又擊破之會遁走訪部將蘇溫收會諸軍並獲第五犄
胡混擊瞻等送于王敦敦並斬之進位安南將軍持節都
督刺史如故初王敦懼杜曾之難謂訪曰擒曾當相論爲
荊州刺史及是而敦不用至王廙去職詔以訪爲荊州敦
以訪勲業隆重有疑色其從事中郎郭舒說敦曰鄱州雖
遇寇難荒弊實爲用武之國不可以假人以訪爲梁州足
矣敦從之訪大怒敦手書譬釋並遺玉環玉琬以申厚意
訪投琬于地曰吾豈賈豈可以寶悅乎陰欲圖之旣在襄
陽務農訓卒勤于採納守宰有缺輒補然後言上敦患之
而憚其強不敢有異訪威風旣著遠近悅服智勇過人爲
中興名將性謙虛未嘗論功伐或問訪曰人有小善鮮不
自稱卿功勲如此初無一言何也訪曰朝廷威靈將士用
命訪何功之有士以此重之訪練兵簡卒與李矩郭默相
結慨然有平河洛之志聞敦有不臣之心訪恒切齒敦雖
懷逆謀故終訪之世未敢爲非太興三年卒時年六十一
帝哭之甚痛詔贈征西將軍諡曰壯立碑于本郡二子撫
光

氏姓譜

卷之四

十九

周氏

七

周隲字孟威少有節操州名爲祭酒後歷位至西夷校尉
領梓潼太守寧康初苻堅將楊安寇梓潼隲固守涪城遣
步騎數千送母妻從漢水將抵江陵爲堅將朱彤邀而獲
之虓遂降于安堅欲以爲尙書郎隲曰蒙國厚恩以至今

日但老母見獲失節于此母子獲全秦之惠也雖公侯之
貴不爲榮况郎任乎堅乃止自是每入見堅輒箕踞而坐
呼之爲氏賊堅不悅屬元會威儀甚整堅因謂虓曰晋家
元會何如此虓攘袂厲聲曰戎狄集聚譬猶犬羊相羣何
敢比天子及吕光征西域堅出餞之戎十二萬旌旗數
百里又問虓曰朕衆力何如虓曰戎狄以來未之有也堅
黨以虓不遜屢請除之堅待之彌厚虓乃密書與桓冲說
賊姦計太元三年虓潛至漢中堅追得之後又與堅兄子
苟謀襲堅事泄堅引虓問其狀虓曰昔漸離豫讓燕智之
微臣猶染身吞炭不忘忠節况虓世荷晋恩豈敢忘也生
爲晋臣死爲晋鬼復何問乎堅曰今殺之適成其名矣遂
槊之徙于太原後堅復陷順陽魏興獲二守皆執節不撓
堅歎曰周孟威不屈于前丁彥遠繫已于後吉湘冲不食

氏姓譜

卷九四

十一九

周氏

七

而死皆忠臣也虓竟以病卒于太原其子興迎致其喪冠
軍將軍謝元親臨哭之因上疏請旌之孝武帝詔曰虓厲
志貞亮無愧古烈未及拔身奄隕厥命孰表義節國之典
也贈龍驤將軍益州刺史賻錢二十萬布百疋贈賜其家
周該天門人也性果烈以義勇稱雖不好學而率由各教
父叔級爲宜都內史亦忠節士也聞譙王承立義湘州甘
卓又不同王敦之舉而書檄不至級謂該曰吾嘗疾王敦
挾陵上之心今稱兵構逆有危社稷之勢譙王宗室之望
剋期舉義此乃烈士急病之秋吾人致死之時也汝其成
吾之志申教于譙王乎該欣然奉命潛至湘州與承相見
口陳至誠承大悅會王敦遣其將魏父圍承甚急該乃與
湘州從事周崎開出反命俱爲父所執考之至死竟不言
其故級由是獲免王敦之難

周浚字開林汝南安成人也父裴少府廩浚性果烈以才
理見知有人偷鑿識鄉人史曜素微賤衆所未知浚獨引
之爲友遂以妹妻之曜竟有名于世浚初不應州郡之辟
後仕魏爲尚書郎累遷御史中丞拜折衝將軍揚州刺史
封射陽侯隨王渾伐吳攻破江西北屯戍與孫皓中軍大戰
斬僞丞相張悌等首級數千俘馘萬計進軍屯于橫江時
聞龍驤將軍王濬旣破上方別駕何惲說浚曰張悌率精
銳之卒悉吳國之衆殄滅于此今王龍驤旣破武昌兵威
甚盛順流而下土崩之勢見矣竊謂宜速渡江直指建業
大軍卒至可不戰而禽浚善其謀便使白渾惲曰渾闇于
事機而欲慎已免咎必不我從浚固使白渾渾果不聽居
無何而濬至渾名之不來乃直指三江山孫皓遂降于濬
渾深恨之而欲與濬爭功惲賤與浚浚得賤卽諫止渾渾

氏姓譜

卷九四

十一九

周氏

七三

不能納遂相表奏浚旣濟江與渾共行吳城壘綏撫新附
以功進封成武侯食邑六千戶賜絹六千疋明年移鎮秣
陵時吳初平屢有逃亡者頻討平之賓禮故老搜求俊父
甚有威德吳人悅服遷侍中武帝問浚卿宗後生稱誰爲
可答曰臣叔父子恢稱重臣宗從父子馥稱清臣宗帝並
召用浚轉少府以本官領將作大匠改營崇廟訖增邑五
百戶後代王渾爲使持節都督揚州諸軍事安東將軍卒
于位三子顓嵩謨顓嗣爵

周顓字伯仁安東將軍浚之子也少有重名神彩秀徹雖
時輩親狎莫能牒也司徒掾向郡賁嵩有清操見顓歎曰
汝穎固多奇士自項雅道陵遲今復見周伯仁將振起舊
風清我邦族矣廣陵戴若思東南之美舉秀才入洛素聞
顓名往候之終坐而不敢顯其才辯顓從弟穆亦有美

譽欲凌折顛顛陶然弗與之校于是人士益宗附之州郡
碎命皆不就弱寇襲父爵武城侯累遷尙書吏部郎東海
王越子毗爲鎮軍將軍以顛爲長史元帝初鎮江左請爲
軍諮祭酒出爲寧遠將軍荊州刺史始到州而建平流人
傅密等叛迎蜀賊杜駿顛狼狽失據圍侃遣將吳寄以兵
救之故顛得免因奔王敦于豫章敦留之軍司戴邈曰顛
雖退敗未有蒞衆之咎德望素重宜還復之敦不從帝召
爲揚威將軍充州刺史顛還建康帝留顛不遣復以爲軍
諮祭酒頃之以醉酒爲有司所料白衣領職復坐門生斫
傷人免官太興初更拜太子少傅顛上疏讓之詔曰絡幼
冲便居儲副之貴當顛職匠以祛蒙蔽望之儼然斯不言
之益何學之習邪所謂與田蘇游忘其鄙心者使當副往
意不宜冲讓轉尙書左僕射領吏部庾亮嘗謂顛曰諸人

氏姓譜

卷五

十一

周氏

七

咸以君方樂廣顛曰何乃刻畫無益唐突西施也帝讌羣
公于西堂酒酣從容曰今日名臣共集何如堯舜時邪顛
因醉厲聲曰今雖同人主何得復比聖世帝大怒而起手
詔付廷尉將加戮累日方赦之及出諸公就省顛曰近日
之罪固知不至于死尋代戴若思爲護軍將軍尙書紀瞻
置酒請顛及王導等顛荒醉失儀復爲有司所奏初顛以
雅望獲洵內盛名後頗以酒失爲僕射畧無醒日時人號
爲三日僕射庾亮曰周侯末年所謂鳳德之衰也顛在中
朝時能飲酒一石及過江雖日醉每稱無對偶有舊對從
北來顛遇之欣然乃出酒二石共飲各大醉及顛醒使視
客已腐脅而死顛性寬裕而友愛過人弟嵩嘗因酒瞋目
謂顛曰君才不及弟何乃橫得重名以所燃蠟燭投之顛
神色無忤徐曰阿奴火攻固出下策耳王導甚重之嘗枕

顓勝而指其腹曰此中何所有也答曰此中空洞無物然足容卿輩數百人導亦不以爲忤又于導坐傲然嘯咏導云卿欲希稀阮邪顓曰何敢近捨明公遠希稀阮及王敦稱逆溫嶠謂顓曰大將軍此舉似有所在當無濫邪顓曰君少年未更事人臣豈可得舉兵以脅主一旦如此豈云非亂乎旣而王師敗績顓奉詔詣敦敦曰伯仁卿負我顓曰公戎車犯順下官親率六軍不能其事使王旅奔敗以此負公敦憚其辭正不知所答帝召顓于廣室謂之曰近日大事二官無恙諸人平安大將軍故副所望邪顓曰二官自如明詔于臣等故未可知護軍長史郝叡等勸顓避敦顓曰吾備位大臣豈可復草間求活外投胡越邪俄而與戴若思俱被收路經太廟顓大言曰賊臣王敦傾覆社稷陵虐天下神祇有靈當速殺敦無令縱毒以傾王室語

氏姓譜

卷之四

十九

周氏

七

未終收人以戟傷其口血流至踵顏色不變容止自若觀者皆爲流涕遂于石頭南門外石上害之時年五十四敦素憚顓每見顓輒面熱雖復冬月扇面手不得休敦使繆瑱籍顓家收得素篋數枚盛故絮而已酒五甕米數石在位者服其清約敦卒後追贈左光祿大夫儀同三司謚曰康祀以少牢初敦得志問導曰周顓戴若思南北之望當登三司無所疑也導不答又曰若不三司便應令僕邪又不答敦曰若不爾正當誅爾導又無言導後料檢中書故事見顓表救已殷勤欵至導執表流涕悲不自勝告其諸子曰吾雖不殺伯仁伯仁由我而死幽冥之中負此良友顓三子閔恬頤

南北

周宏正字思行汝南安成人晉光祿大夫顓之九世孫也

祖顯齊中書侍郎領著作父實始梁司徒祭酒宏正幼孤及弟宏讓宏直俱爲叔父捨所養年十歲通老子周易捨每與談論輒異之曰觀汝清理警發後世知名當出吾右河東裴子野深相賞納請以女妻之十五名補國子生仍于國學講周易諸生傳習其義以季春入學孟冬應舉學司以日淺不許博士到洽議曰周郎年未弱冠便自講一經豈俟策試普通中初置司文義郎直壽光省以宏正爲司義侍郎大通三年梁昭明太子薨其嗣華容公不得立乃以晋安王爲皇太子宏正乃奏記累遷國子博士時于城西立士林館宏正居以講授聽者頃朝野焉宏正啟周易疑義凡五十條及請釋乾坤二繫宏正博物知元象善占候太同末嘗謂弟宏讓曰國家厄運數年當有兵起吾與汝不知何所逃之及梁武帝納侯景宏正謂宏讓曰亂

氏姓譜

卷九四

十五

周氏

共

階此矣京城陷宏直爲衡陽內史元帝在江陵遣宏直書曰適有都信賢兄博士平安但京師搢紳無不附逆王克已爲家臣陸緬身充卒伍惟有周生確乎不拔言及西軍潺湲掩淚恒思吾至如望歲焉松栢後凋一人而已王僧辯之討侯景也宏正與宏讓自披迎軍僧辯得之甚喜即日啟元帝元帝手書褒美仍遣使迎之謂朝士曰晋氏平吳喜得二陸今我破賊亦得兩周及宏正至禮數甚優朝臣無與比授黃門侍郎直侍中省俄遷左民尚書尋加散騎常侍元帝嘗著金樓子曰余于諸僧重拾提琰法師隱士重華陽陶貞白士大夫重汝南周宏正其于義理清轉無窮亦一時之名士也及侯景平僧辯啟送秘書圖籍赦宏正讐校及江陵陷宏正遁圍而出歸于京師敬帝以爲大司馬王僧辯長史行揚州事高祖受禪授太子詹事天

嘉元年遷侍中國子祭酒住長安迎高宗高宗卽位遷侍
進重領國子祭酒太建五年授尙書右僕射祭酒中正如
故尋敕侍東宮講論語孝經太子以宏正朝廷舊臣德望
素重于是降情屈禮橫經請益有師資之敬焉宏正特善
元言兼明釋典雖碩學名僧莫不請質疑滯六年卒于官
時年七十九諡曰簡子所著周易講疏十六卷論語疏十
一卷莊子疏八卷老子疏五卷孝經疏兩卷集二十卷行
于世子墳官至吏部郎二弟宏直宏讓宏讓性簡素博學
多通天嘉初以白衣領太常卿光祿大夫加金章紫綬

周宏直字思方幼而聰敏仕梁爲西中郎湘東王外兵記
室參軍與東海鮑泉南陽宗懔平原陸綬浦郡劉毅同掌
書記王出鎮荆江二州累除諮議參軍及梁元帝承制授
假節英果將軍歷邵陵零陵太守雲麾將軍昌州刺史天

氏姓譜

卷九四

十一九

周氏

七

嘉中歷國子博士廬陵王長史遷太常卿光祿大夫加金
章紫綬太建七年遇疾且卒遺疏氣絕之後便買市中見
材小形者歛以時服古人通制但下見先人必先備禮可
著單衣裙衫故履旣應侍養宜備紛悅或逢善友又須香
烟棺內惟安白布手巾麝香爐而已其外一無所用卒于
家時年七十六有文集二十卷子確

周確字士潛美容儀寬大有行檢博涉經史篤好元言伯
父宏正特所鍾愛解褐梁太學博士司徒祭酒晋安王主
簿高祖受禪累遷安成王限內記室高宗卽位授東宮通
事舍人母憂去職及歐陽紇平起爲中書舍人命于廣州
慰勞服闋爲太常卿歷尙書左丞太子家令以父憂去職
尋起爲貞威將軍吳令確固辭至德元年授太子左衛率
中書舍人加貞威將軍信州南平王府長史行揚州事遷

都官尙書禎明初卒官年五十九詔贈散騎常侍太常卿
周興嗣字思纂陳郡項人漢太子太傅堪後也高祖凝晉
征西府參軍宜都太守興嗣世居姑熟年十三遊學京師
積十餘載遂博通記傳善屬文嘗步自姑熟投宿逆旅夜
有人謂曰子才學邁世初當見識貴臣卒被知英主言終
不測所之齊隆昌中侍郎謝朓爲吳興太守惟與興嗣談
文史而已及罷郡還因大相稱薦梁天監初奏休平賦其
文甚美高祖嘉之拜安成王國侍郎直華林省其年河南
獻舞馬詔興嗣與待詔到沅張率爲賦高祖以興嗣爲工
擢員外散騎侍郎進直文德壽光省是時高祖以三橋舊
宅爲光宅寺敕興嗣與陸倕各製寺碑及成俱奏高祖以
興嗣所製自題銅表銘柵塘碣北伐檄次韻王羲之書千
字並使興嗣爲文每奏高祖輒稱善加賜金帛後佐撰國

氏姓譜

卷九四

十九

周氏

六

史興嗣兩手先患風疽十二年又染癘疾左目盲高祖撫
其手嗟曰斯人也而有斯疾也手疏治疽方以賜之任昉
又愛其才常曰周興嗣若無此疾旬日當至御史中丞十
七年復爲給事中直西省周捨奉敕注高祖所製歷代賦
啟興嗣助焉普通二年卒所撰皇帝實錄皇德記起居注
職儀等百餘卷文集十卷

周捨字昇逸汝南安成人晉左光祿大夫顓之八世孫也
父暉齊中書侍郎有名于時捨幼聰穎顓異之臨卒謂曰
汝不患不富貴但當持之以道德既長博學九精義理善
誦詩書音韻清辯起家齊太學博士遷後軍行參軍建武
中魏人吳苞南歸有儒學尙書僕射江昝招苞講捨造坐
折苞辭理道逸由是名爲口辯王亮爲丹陽尹聞而悅之
辟爲主簿政事多委焉遷太常丞梁高祖卽位吏部尙書

范雲與顛素善重捨才器言之高祖名拜尙書祠部郎禮儀損益多自捨出尋爲後軍記室參軍秣陵令入爲中書通事舍人累遷太子洗馬散騎常侍中書侍郎鴻臚卿時王亮得罪歸家故人莫至捨獨敦舊恩及卒身營殯塋時人稱之遷尙書吏部郎轉太子右衛將軍雖居職屢徙而常留省內罕得休下國史詔誥儀體法律軍旅謀謨皆兼掌之日夜侍上預機密二十餘年未嘗離左右捨素辯給與人論諱終日不絕而竟無一言漏泄機事衆尤服之性儉素衣服器用居處牀席如布衣之貧者每入官府雖廣厦華堂閉閣重邃捨居之則塵埃滿積以荻爲郭壞亦不營爲右衛母憂去職服闋除侍中遷太子詹事普通五年南津獲武陵太守白渦書許遺捨面錢百萬津司以聞捨坐免遷右驍騎將軍知太子詹事其年卒時年五十六上

氏姓譜

卷九

十一九

周氏

九

臨哭哀動左右詔贈侍中護軍將軍諡曰簡子初帝銳意中原羣臣咸言不可惟捨贊成之大通中累獻捷帝思其功下詔述其德美以爲往者南司白渦之効恐外議謂朕有私致此黜免追愧若人一介之善外可量加褒異以旌善人捨集二十卷二子弘義弘信

同盤龍北蘭陵人也胆氣過人尤便弓馬宋泰始中以軍功封晋安子元徽二年桂陽賊起盤龍時爲克從僕射隨齊太祖顛新亭稍至驍騎將軍改封沌陽侯太祖卽位進號右將軍建元元年虜寇壽春以盤龍爲軍主假節助豫州刺史垣崇祖拒魏大破之上聞之喜詔旌之盤龍愛妾杜氏上送金釵鑷二十枚手敕曰餉周公阿杜明年虜寇淮陽圍南城先是上遣軍主成買成甬城至虜圍買數重上遣領軍將軍李安民救之敕盤龍率馬步下淮陰就安

民買與虜拒戰死盤龍子奉叔單馬率二百餘人陷陣虜
萬餘騎張左右翼圍之一騎走還報奉叔已沒盤龍方食
棄筋馳馬奮稍直奔虜素畏盤龍號名即時披靡時奉叔
已大殺虜得出在外盤龍不知乃東西觸擊賊衆莫敢當
奉叔見其父久不出復躍馬入陣父子兩騎縈攬數萬人
虜衆大敗盤龍父子由是名播北國形甚羸而臨軍勇果
諸將莫逮承明五年轉大司馬加征虜將軍濟陽太守世
祖數講武嘗合盤龍領軍校尉騎騁稍後以疾爲光祿大
夫尋出爲兖州刺史進爵爲侯甬城戍將張蒲與虜潛通
因大霧乘船入清中採樵載魏人直向城東門坐爲有司
所奏盤龍表年老才弱不可鎮邊求解職見許還爲散騎
常侍光祿大夫世祖戲之曰卿著貂蟬何如兜鍪盤龍曰
此貂蟬從兜鍪中出耳十一年病卒年七十九贈安北將

氏姓譜

卷九四

十一九

周氏

全

軍兖州刺史子奉叔勇力絕人奉叔善騎馬帝從其學騎
射尤見親寵得入後宮尋加領淮陵太守兖州中正
周顒字彥倫汝南安成人晉左光祿大夫顒七世孫也祖
虎頭員外常侍父恂歸鄉相顒少爲族祖朗所知解褐海
陵國侍郎益州刺史蕭惠開賞異顒攜入蜀爲厲鋒將軍
帶肥鄉成都二縣合轉惠開輔國府參軍常謂惠開性太
險每致諫惠開不悅答顒曰天險地險王公設險但問用
險何如耳隨惠開還都宋明帝頗好元理以顒有辭義引
入殿內親近宿直帝所爲慘毒之事輒誦經中因緣罪福
事帝亦爲之小止元徽初爲剡令有恩惠百姓思之齊太
祖輔政轉齊殿中郎建元初爲長沙王後軍參軍山陰令
還爲文惠太子中軍錄事參軍文惠在東宮顒直侍殿省
復見賞遇顒音辭辯麗長于佛理著三宗論言空假義西

涼州智林道人遺願書深相贊美言捉麈尾來四十餘年
願見宗錄惟此塗白黑無一人得者爲之發病非意此音
復來入耳其論見重如此願于鍾山西立隱舍休沐則歸
之轉太子僕兼著作撰起居注遷中書郎常遊侍東官少
從外氏車騎將軍臧質家得衛恒散隸書法學之甚工文
惠太子使願書元圃茅齋壁國子祭酒何胤以倒薤書求
就願換之願笑答曰天下有道邱不與易也每賓友會同
願虛席晤語辭韻如流聽者忘倦兼善老易與張融相遇
輒以元言相滯彌日不解清貧寡欲終日長蔬雖有妻子
獨處山舍衛將軍王儉謂願曰卿山中何所食願曰赤米
白菹綠葵紫蓼文惠太子問願菜食何味最勝願曰春初
早韭秋末晚菘何胤亦精信佛法無妻妾太子又問願卿
精進何如何胤願曰三塗八難共所未免然各有累太子
氏姓譜

卷九四

十一九

周氏

八

曰所累伊何對曰周妻何肉其言辭應變如此轉國子博
士太學諸生慕其風爭事華辯始著四聲切韻行于時尋
卒于官時會王儉講孝經未畢舉曇濟自代學者榮之官
爲給事中

周幾代人也父于有功太祖之世賜爵順陽侯坐事死幾
少以善騎射爲獵郎太祖卽位爲殿中侍御史掌宿衛禁
兵斷決稱職遷左民尚書神瑞中并州飢民遊食山東詔
幾領衆鎮博陵之魯口以安集之泰常初白澗行唐民數
千家負嶮不供輸稅幾與安康子長孫道生宣示禍福述
民遂還于時郡縣斬叛胡翟猛雀于林慮山猛雀遣種竄
于行唐及襄國幾追討盡誅之後爲寧朔將軍拒司馬德
宗將劉裕于南破毛德祖于土樓以功賜爵交阯侯世祖
以幾有智勇遣鎮河南威信著于外境幾常嫌奚斤等殺

樞關中失和百姓不附每至言論形于聲色斤等憚焉進號宋兵將軍率洛州刺史于栗磾以萬人襲陝城卒于軍軍人無不歎惜之歸葬京師追贈交阯公諡曰桓子步襲爵卒子安國襲爵太和中討蠕蠕失利伏法爵除

周澹京兆鄴人也爲人多方術尤善醫藥爲太醫令太宗嘗苦風頭眩澹治得愈由此見寵位至特進賜爵成德侯神瑞二年京師飢朝議將遷都于鄴澹與博士祭酒崔浩進計論不可之意太宗大然之曰惟此二人與朕意同也詔賜澹浩妾各一人御衣一襲絹五十疋綿五十斤黍常四年卒諡曰恭

周羅暕字公布九江尋陽人也父法高仕梁至南康內史臨蒸縣侯羅暎年十五善騎射好鷹狗任俠放蕩收聚亡命陰習兵書從祖景彥誠之曰吾世恭謹汝獨放縱若不

氏姓譜

卷九

十一

周氏

三

喪身必將滅吾族羅暎終不改仕陳爲句容令後從大都督吳明徹與齊師戰于江陽爲流矢中左目齊師之圍明徹于宿預也諸軍相顧莫有鬪心羅暎躍馬笑進莫不被靡太僕卿蕭摩訶副之斬首不可勝計進師徐州與周將梁士彥戰于彭城摩訶臨陣墮馬羅暎進救之于重圍之內勇冠三軍後以軍功除右軍將軍封始安縣伯總檢校揚州中外諸軍事賜金銀三千兩盡散之將士分賞驍雄陳宣帝深歎美之出爲晉陵太守進爵爲侯後除使持節都督豫章十郡諸軍事豫章內史徹訟庭決不關吏手人懷其惠立碑頌德至德中除持節都督南川諸軍事江州司馬吳世興密奏羅暎甚得人心擁眾嶺表意在難測陳主惑焉蕭摩訶魯廣達等保明之外有知者或勸其反羅暎拒絕之還除太子左衛率信任愈重時參宴席陳主曰

周左率武將詩每前成文士何爲後也都官尙書孔範曰
周羅睺執筆製詩還如上馬入陣不在人後自是益見親
禮及隋伐陳羅睺都督巴峽緣江諸軍事以拒秦王俊及
陳主被禽上江猶不下晉王廣遣陳主手書命之羅睺與
諸將大臨三日放兵士散然後乃降文帝慰喻之許以高
資羅睺垂泣對曰本朝淪亡臣無節可紀陛下所賜獲全
爲幸富貴榮祿非臣所望帝甚器之其年秋拜上儀同三
司鼓吹送之于宅歷幽涇二州刺史並有能名開皇十八
年征遼東徵爲水軍總管無功而旋十九年突厥達頭可
汗犯塞從楊素致討羅睺先登大破之進大將軍仁壽元
年入爲東宮右虞候率賜爵義寧郡公轉右衛率煬帝卽
位授右武侯大將軍副楊素討平漢王諒進授上大將軍
及陳主卒羅睺請一臨哭帝許之哀經送至墓葬還釋服

氏姓譜

卷九四

十九

周氏

三

而後入朝帝甚嘉尙之世論稱其有禮時諒餘黨據絳晉
等三州未下詔羅睺行晉絳呂三州諸軍事進兵圍之中
流矢卒送柩還京行數里無故輿馬自止策之不動有飄
風旋遶焉絳州長史郭雅稽首祝曰公恨小寇未平邪尋
卽除殄無爲戀恨是時風靜馬行見者莫不悲歎贈杜國
右翊衛大將軍諡曰壯子仲安位上開府

唐

周九元字汝良豫州安城人自右肅政御史中丞拜檢校
鳳閣侍郎同鳳閣鸞臺平章事武后宴宰相詔陳書傳善
言允元曰恥其君不如堯舜武三思劾奏詭指斥后曰聞
其言足以誠安得爲過卒贈貝州刺史

周墀字德升本汝南人少孤事母孝及進士第辟湖南團
練府巡官入爲監察御史集賢殿學士長史學屬辭高古

文宗雅重之李宗閔鎮山南表行軍司馬閔歲名遠大和未訓注亂政以黨語汙瑄紳有名士分逐之獨瑄雖嘗爲宗閔所禮不能以罪誣也遷起居舍人改考功員外郎兼舍人事帝御紫宸與宰相語事已或召左右史資質所宜瑄最爲天子欽矚俄知制誥入翰林爲學士武宗即位以疾改工部侍郎出爲華州刺史徙江西觀察使劾舉部刺史翦捕劇賊出兵戍彭蠡湖禁止剽劫進拜義成節度使封汝南縣男宿將暴警不循令者瑄命鞭其背一軍大治以兵部侍郎名判度支進同中書門下平章事遷中書侍郎建言故宰相李德裕重定元和實錄竄奇它事以廣父功凡人君尚不改史取必信也遂削新書河南節度使王宰重賤權幸求同平章事領宣武瑄言天下大鎮如并汴者纔幾宰之求何可厭宣宗納之駙馬都尉韋讓求爲京

氏姓譜

卷九四

十九

周氏

命

范持不與繇是妄進者少衰會吐蕃微弱以三州七關自歸帝名宰相議河湟事瑄對不合旨罷爲劍南東川節度使駙馬都尉鄭巖言于帝曰世謂瑄以直言相亦以直言免帝悟加拜檢校尚書右僕射卒年五十九贈司徒

周會本李希烈部將與王玢姚愴韋清志相善號四公子希烈反會密得其計一二以告李勉玢爲許州鎮遏使會哥舒曜拔汝州希烈遣會往拒會欲引軍據蔡使玢爲應愴清居中謀取希烈密求毒藥希烈不死會之行希烈使假子十人從次襄城知其謀以告希烈使李克誠率驃軍千人劫會殺之而收其兵並殺玢愴始約事覺毋相引清懼陽說希烈曰今兵寡不能就事請乞師朱滔希烈然之至襄邑奔劉洽德宗贈會太尉

周馮道遇歲飢悉出所有以贖鄉里退耕于野躬自負薪

有荒其田不耕者潛爲之耕其人媿謝馮道殊不以爲德
周匡物漳州龍溪人初州人未有業儒者匡物兄匡著擢
貞元進士而匡物復擢進士官至高州刺史唐世郡人登
科者始于匡物兄弟

周朴福州人黃巢入福州得朴將用之朴曰我爲處士尙
不仕天子安能從賊巢怒斬之後入爲立廟以祀焉

周少康縉雲人十五出家從學諸方貞元中嘗至江陵遇
一僧誦曰汝化緣在睦州言訖不見少康至睦州日乞食
城中得錢誘小兒誦河彌陀佛一聲遺一錢卽高峯山巔
建道場集齋聲念佛少康獨聲高衆見佛從康口中出生
遊之夕有光燭烏龍二山色爲變白宋賜號廣道大師云
周積金壇人永徽間四境盜起積糾合鄉人拒之衆寡不
敵賊誘之從爲亂積怒曰恨不斬汝萬段肯從汝爲賊邪
氏姓譜 卷九四
十九 周氏 五

五代 送手刃數十人自刎死焉事聞于朝封爵立廟至今祀之

周本宿松人瑜之後少勇敢嘗獨格猛虎從楊行密每戰
先登蒙犯矢石身無完膚莊宗入洛聞其名名爲雄武統
軍出爲壽州節度使拜太尉封西平王本雖不知書而愛
重儒士資禮僚屬吏民愛之予鄴官至廬州刺史

